

# *GE MAHLO A BONA A BULEGILE, BA MO TSEBILE*

 A re inamišeng dihlogo tša rena nakwana bakeng sa thapelo. Ge mmino wo ka bose o etla go kgabola ditšeantšu tše, *Dumela Feela*, ke a makala ge eba re ne dikgopelo, bošegong bjo, tšeо re tla nyakago go dira di tsebje go Modimo. Gomme ka diatla tša rena godimo, re a tshepiša re tla dumela ge re phagamiša diatla tša rena. Morena a šegofatše.

<sup>2</sup> Tate wa rena wa Legodimong, re batamela Wena, Leineng la Morena Jesu, ka baka la gore O tshepišitše, ge re e dirile ka tsela ye, gore O tla re kwa. Gomme re a rapela gore O tla amogela se re se hlokago, ka go tsebeng ga Gago, Morena, gomme o tla re putsa go ya ka tumelo ya rena. Re a tseba O tla dira, gobane O tshepišitše. Go na le dikgopelo tše ntši. Diatla tše ntši di be di le godimo; tša ka, le tšona, Morena. Ke a rapela gore O tla no kopana le rena, bošegong bjo, le go re laetša ka tsela ye re swanetšego go phela le se re swanetšego go se dira go ba le tumelo ka go Wena. Hweťša letago go tšwa tirelong, Morena, ge re neela borena go Wena, Leineng la Jesu. Amene.

Le ka dula.

<sup>3</sup> Don, o bjang? Ka kgonthé ke maketše, bošegong bjo, go bona bontši bja bagwera ba ka ba dutše fa mo sefaleng le nna. Ngwanešu Lee Vayle e be e le yo mongwe wa balaodi. Ngwanešu... Go lokile, nka se kgone go bitša leina lela la Sejeremane, Hierholzer. Ke le iša morago nako yohle. Ngwanešu Don Ruddell le banešu bohole fa, yo mongwe le yo mongwe, ke tlwaelane le bona bohole, kafao ka kgonthé ke thakgetše go ba le bona fa bošegong bjo go—go rapela le rena ge re sa rera Lentšu, re rapeleta balwetši.

<sup>4</sup> Bjale, ke a nagana, gosasa bošego, gomme morago Lamorena morago ga sekglela, morago fale, gona Mokibelo bošego ke go ba felotsoko gape. A le be le rapela lehono? [Phuthego e re, "Amene."—Mor.] Gabotse.

<sup>5</sup> Ke maswabi ke le swareletše thari, bošegong bja go feta. Eupša e be e le lefelo le leswa, se sengwe le se sengwe se seswa, gomme le a tseba go tšea feela nthatana gannyane go tlwaelana. Bjalo ka ge ke ke fela ke bolela, swarelang tlhagišo, "Tloša dipoko tšohle, moo re tsebanago seng, kafao re... maikutlo ohle a go se tlwaelege."

<sup>6</sup> Dinako tše dingwe le kopana mafelong. Oo, e sego go nyatša otithoriamo ye, eupša, le a bona, ka mehla ga se ditirelo tša bodumedi, ke a nagana, di swarelwago fa. Ke mehuta yohle ya

ditirelo. Gomme ka fale, ka mokgwa wa go se tlwaelege ka mo go ka bonalago, eupša go na le moyo wa se sengwe le se sengwe. Ge o se ne moyo ka go wena, o hwile. Gomme batho ka moyo wa go fapanwa ba phuthega mmogo.

<sup>7</sup> Jesu o be a ka se kgone go fodiša magareng ga lešaba la go swana le leo. O tlide ka nageng ya Gagwe mong, gomme ga se ba ke ba Mo dumela, gomme O be a ka se kgone go dira mešomo ye maatla kua. Letšatši le lengwe O ile a swanela go hlahla mo—mo monna yo a bego a foulfetše, tsela yohle go tšwa toropongkgolo, pele A ka mo dira go—go bona, le go hwetša ya gagwe. Gomme yo motee ka go kwa ga gagwe.

<sup>8</sup> Le a bona, nako ye nngwe o swanetše go tla mmogo moo badumedi ba phuthegilego mmogo le go dumela. Gomme lefelo le le gafetše bjale go tirelo ya Morena Jesu Kriste. Gomme ke kereke bjale, feela bontši kereke bjalo ka . . . E ka ba kae batho ba—ba kopanago mmogo, yeo ke kereke. Kafao bjale, bošegong bjo, re kudu, ka nneta batho ba go ba le monyetla, re ikwela, go ba mo bošegong bjo, go kgobokana le lena bohole, go—go rapela le go lemoga Jesu Kriste magareng ga rena.

<sup>9</sup> Bjale, le a tseba, Mapresbyterian ba ne bontši bja . . . goba Maepiscopalian, ke a dumela ke yona, godimo le fase, godimo le fase; ba phagamela godimo gomme ba bolele se sengwe, ba dula fase; ba phagamela godimo gomme ba bolele se sengwe, ba dula fase. Gomme ke ya go le kgopela go ema gape ge ke bala Lentšu.

<sup>10</sup> Ka go Luka, tema ya 24, ge le ka theetša sekgauswi bjale. Ka nnete ke Lengwalo le letelele. Ke rata go thoma ka temana ya 13 ya Luka 24.

*Gomme, bonang, ba babedi ba bona ba ile lona letšatši la go swana motseng wo o bitšwago Emause, e bego e le go tšwa Jerusalema e ka ba mašemo a masometshela.*

*Gomme ba boletše mmogo ka dilo tšohle tše tše di diregilego.*

*Gomme go diregile, gore, ge ba sa boledišana le . . . ba boledišana mmogo le go fa mabaka, Jesu ka boyena o ile a batamela kgauswi, gomme a ya le bona.*

*Eupša mahlo a bona a be a širilwe gore ba se ke ba mo tseba.*

*Gomme o rile go bona, Ke mokgwa ofe wa poledišano wa tše le nago natšo seng sa lena, ge le sepela, gomme le nyamile?*

*Gomme yo motee wa bona, yo leina la gagwe e bego e le Kleopa, a araba o rile go yena, A o mosetsebje a nnoši ka Jerusalema, gomme ga o tsebe dilo tše di diregilego . . . ka matšatšing a?*

*Gomme o rile go bona, Dilo dife? Gomme ba rile go yena, Mabapi le Jesu wa Nasaretha, e bego e le moprefeta*

*yo maatla ka tiro le lentšu pele ga Modimo le batho bohle:*

*Le ka fao baprista ba bagolo le bona babuši ba mo gafetšego go ahlolwa go iša lehung, gomme ba mmapotše.*

Eupša re tshepile gore o bile yena yo a swanetšego go lopolla Israele: gomme ka ntle ga sohle se, lehono ke letšatši la boraro ge e sa le dilo tše di dirilwe.

Ya, . . . basadi ba bangwe le bona ba sehlopha sa renab re dirile gore re tlabege, bao mesong ba bego ba le lebitleng;

Gomme ge ba se ba hwetša mmele wa gagwe, ba tlide, ba re, gore le bona ba bone pono ya barongwa, ye e rilego . . . o be a phela.

Gomme ba bangwe ba bona ba ba bego ba na le renab ile lebitleng, gomme ba le hweditše ebile . . . bjalo ka ge basadi ba boletše: eupša yena ga se ba mmona.

Ka gona a re go bona, O mašilo, le ba pelo ya go tšwafa go dumela tšohle tše mangwalo a di boletše:

A Kriste o be a se a swanela go tlaišega ka dilo tše, le go tsena ka letagong la gagwe?

Gomme go thoma ka Moshe le baprofeta bohle, o ba hlathollotše . . . ma—ma mangwalo ohle dilo mabapi le yenamong.

Gomme ba batametše kgauswi go motse, moo ba ilego: gomme o dirile mo o ka rego o be a fetela pejana.

Eupša ba mo phegelela, ba re, Dula le renab: ka gore ke go batamela mantšiboa, gomme letšatši le diketše. Gomme o ile ka gare go leta le bona.

Gomme gwa tla go phethega, ge a dutše dijong le bona, o tšere borotho, gomme a bo šegofatša, . . . gomme a ba fa bjona.

Gomme mahlo a bona a bulega, gomme ba mo tseba; gomme a timelela pele ga mahlo a bona.

Gomme ba boletše seng, A dipelo tša renab ga tša swa ka gare ga renab, ge a be a bolela le renab tseleng, gomme ge a be a re bulela lengwalo?

<sup>11</sup> A re rapeleng. Morena Jesu, re a lemoga gore ye ke therešo. Ga go na le selo ka lefaseng therešo ye ntši go feta Lentšu la Gago. Ga go na selo ka lefaseng se segologolo kudu go feta Lentšu la Gago. Gomme re a rapela gore O tla utolla kanegelo ye go renab, ka dipelong tša renab bošegong bjo, gomme o tla dira karolo ye ya Lengwalo go botega gape, bošegong bjo, gore re ke re lemoge Morena Jesu bjalo ka ge ba dirile. Feela, ba Mo lemogile le—le letšatši ka morago ga tsogo ya Gagwe, gomme bjale a nke

re Mo lemoge ka morago ga mengwaga ye dikete tše pedi. Re kgopela ka Leina la Jesu le bakeng sa letago la Gagwe. Amene.

Dulang.

<sup>12</sup> Ditebogo bakeng sa leswao le lennyane la go amogela ka morago ga otithoriamo ya kereke.

<sup>13</sup> Thuto ya ka bosegong bjo e bile: *Ge Mahlo A Bona A Bulegile, Ba Mo Tsebile.*

<sup>14</sup> Bjale kalo ya rena, bosegong bjo, ke Paseka ya mathomo. Letšatši le legolo la leswiswi la papolo le be le fetile. Morena wa rena Jesu o tlie lefaseng gomme ka go hlaka o itsebagaditše Yenamong go ba Morwa wa Modimo. Mangwalo ohle, a bego a Mo lebantše, O be a a phethagaditše. Ebile le diiri tša mafelelo mo sefapanong di phethagaditšwe. Bjale tsogo e tlie, ye e bego e tshepišitšwe le yona. Eupša batho ka letšatši leo ba be ka mokgwa wo mongwe ba swana le ka fao re lego, lehono. Ba bile, ka go mafolofolo a se ba bego ba se bona, sa kagodimogatlhago, le go ya pele, ba paletšwe ke go lemoga Lengwalo lohle le Mo lebantšego. Ba ile ba lemoga tše dingwe tša Lona, gomme ba dumela, gomme tše dingwe tša Lona ga se ba di lemoge.

<sup>15</sup> Ke nagana seo ka moka se bontši go swana le lehono, gore makga a mantši re tla amogela tše dingwe tša dilo tšeoj Jesu a di boletsego, eupša e sego dilo tšohle tšeoj A di boletsego. Batho dinako tše dingwe ba a hwetša, ba re, "Gabotse, re dumela *Le*, eupša ga re dumele *Le*." Gabotse, o ka se dumele *Le* ntle le go dumela *Le*. Le a bona, o swanetše go Le dumela lohle. E ba gore lohle ke Modimo, goba ga se Modimo e ka ba ofe. Gomme kafao lohle le swanetše go lekanelka gare gabotse, lefelong la lona.

<sup>16</sup> Gomme bjalo ka ge ke boletsé mantšiboa a go feta, Modimo o abetsé leo, Lengwalo la Gagwe, go tloga mathomong, pele go be go ka ba nako e ka ba efe, ge A be a le Gosafelego. Yena ka moka... Ke yo Motee wa Kagosafelego, gomme ka gona dilo tše di diregago bjale e no ba dikgopoloo tša go nagana ga Modimo. Mathomong, e swanetše go ba kgopoloo, gomme morago Lentšu. Gomme Lentšu, ge mogopoloo tšweletšwa, ke lentšu. Gomme ka gona, Le boletsé, Le swanetše go direga. Gomme selo ka moka ke Modimo a ikutolla ka Boyena ka go ditholanakgopoloo tša Gagwe, gomme ka gona Modimo a dirwa materiale, go kgwathega, gore re kgone go bolela le yena, go mmolediša, ka Mmeleng wa Kereke ya Gagwe ka moka le se sengwe le se sengwe.

<sup>17</sup> Ka fao, leina la gago le be le le ka monaganong wa Gagwe. Ke ka mokgwa wo o nago le Bophelo bjo Bosafelego. O ka se kgone go ba le Bjona ka tsela ye nngwe. Ge o na le Bophelo bjo Bosafelego, ka mehla o bile. Le a bona? Wena, ge go le bjalo, o no se kgone go re, "Gabotse, ke nna wa kereke, ke dira se." Aowa, mohlomphegi. Bophelo bjo Bosafelego ga se bja ke bja ba le ma-... Eng kapa eng e bego e le sa Gosafelego ga se sa ke sa thoma gomme se ka se kgone go fela. Kafao o be o le feela ka

monaganong wa Gagwe, leina la gago, o mang le se o lego. Yeo ke tsela e nnoši o ka tsogego wa ba le Bophelo bjo Bosafelego, gobane ka mehla o bile.

<sup>18</sup> Gomme bao, ga go kgathale se ba lego, ba hwile ka Gosafelego, ba be ba hwile go tloga mathomong. Beibele e rile, "Mosadi yo a phelago ka maipshino o hwile le ge a phela." Nnete. Le a bona, ka mehla o be a hwile. O hwetše sebeng le dikarogong.

<sup>19</sup> Gomme bjale ge o be o le ka go phedišeng, mathomong a Gagwe, seo ke se A tlilego go se lopolla. Gomme leina la gago le beilwe godimo ga Puku ya Kwana ya Bophelo, ka monaganong wa Gagwe, mathomong. Gomme O tla go lopolla maina ohle ao a lego ka go Puku yela; gape, ga go le lengwe gape; feela le le bego le le ka Kua. Ge leina la mafelelo le lopolotswe, O tsea Puku ya Gagwe gomme a tteleima se A se lopolotšego.

<sup>20</sup> Bjale, gomme a se—se selo sa go tla bago ge re ka se kgone go dumela tšohle seo se ngwadilwego ka Lengwalong, ka gore selo sohle ke Lentšu la Modimo. Lohle le šušumeditšwe, nthatana ye nngwe le ye nngwe ya Lona, gomme re dumela nthatana ye nngwe le ye nngwe ya Lona.

<sup>21</sup> Bjale tiragalo ye ya letago ye re nago le yona pele ga rena, bošegong bjo, ke Jesu godimo go tšwa bahung, mo nakong ya seruthwana, a sepela tikologong. Godimo go tšwa go seruthwana, tsogo, Letšoba la pele go tsoga go tšwa bahung, Morena wa rena Jesu! O be a le Dithakangwaga tša bona bao ba robetšego. Letšoba la Paseka le le tlago godimo, Lona la pele leo le emišitšego hlogo ya Lona ka morago ga go tonya ga bošegogare bja leswiswi le sebe; O ile a lefa poreisi ya sebe, gomme Modimo o Mo tsošitše ka letšatši la boraro. Re dumela seo ka pelo ya rena yohle, gore Modimo o Mo tsošitše ka letšatši la boraro, go ya ka tshepišo ya Gagwe. Gomme re e dumela go ya ka Lengwalo, gore O Mo tsošitše, letšatšing la boraro. O bile Yena wa mathomo yoo a tsogilego go tšwa bahung, Dithakangwaga tša bona bao ba robetšego.

<sup>22</sup> Gomme go nagana ka yona, tlalelo ye kgolo yela go kgabola mengwaga ye dikete tše nne yeo lefase le phopholeditšego ka sebeng, gomme le sa tsebe tsela ya go tšwa, šo Yena o morago go tšwa bahung! A nako, nako ya seruthwana! Kereke e swanetše go be e be e opela dihaleluya tša letago. Eupsa sebakeng sa seo, ba be ba tsekella gohle, ba nyamile le se sengwe le se sengwe, ka gore ba paletšwe ke go dumela tšohle A di boletšego.

<sup>23</sup> Gomme seo ke selo sa go swana se lego bošegong bjo, gobane ba šitwa go dumela tšohle A di boletšego le go di tshepiša. Seo ke se, kereke e ka seemong se sebjalo bošegong bjo, seo e lego ka go sona, ke ka gobane re šitilwe go dumela tšohle A rilego O tla di dira. Mangwalo ohle ao a amanago le Yena, re šitwa go Le dumela lohle. Re Le bethantšha gohle, ra Le hlakahlakanya, le go bea se sengwe gape go Lona.

<sup>24</sup> Ge re dumela Selo ka moka, go tla ba le sediba sa lethabo ka disoulong tša ren, gobane re tsošitšwe le Yena ka seswantšho sa tsogo ya Gagwe, bjale re dutše mafelong a Legodimong ka go Kriste Jesu, ka mebušo yohle le maatla le leswiswi ka tlase ga dinao tša ren. Re na le tokelo, ka Madi a Jesu Kriste, Seka sa ren, gore re barekwa ke Modimo. Gore, Modimo o lefile topollo ya ren, ka Jesu Kriste, gomme re na le tokelo ya go swara Seka sela godimo ga eng kapa eng re e kgopelago, le go se amogela. Modimo o boletše bjalo! Seo se a e ruma. Ge re ka no dumela Mangwalo ohle!

<sup>25</sup> Eupša selo sa yona e bile, karolo ya go nyamiša, batho ba bantši bao ba Mo tsebilego le go Mo rata, ga se ba ke ba lemoga gore O tsogile go tšwa bahung.

<sup>26</sup> Kafao go bjalo lehono! Batho ba bantši, ba ba dumelago gomme ebile ba rutago gore O tsogile go tšwa bahung, go le bjalo ga ba Le lemoge. Ka kgonthe ga ba kgone go kwešiša. Gomme ke bontši kudu bja ti—ti tiragalomatlabi. Ga se e tlwaelege kudu. Dilo tša go se tlwaelege ke moo Modimo a lego, ge e le go ya ka tshepišo ya Gagwe.

<sup>27</sup> Ba bantši ba Mo ratile, gomme ga se ba e tseba. E be e no ba go se tlwaelege kudu go bona go dumela se dihlats tšela di tšwago lebitleng gomme di rilego, “Re bone sehlopha sa Barongwa, seo se rilego, ‘O tsogile go tšwa bahung.’” “Oo, gabotse, re...” Le a bona, ge ba ka be ba nno lebelela ka go Lengwalo; O e tshepišitše, gore O tla e dira.

<sup>28</sup> Gomme go no swana le ka go Bafarasei le barutiši ba bodumedi ba letšatši la Gagwe, ge feels ba ka be ba lebeletše ka Mangwalong, boka A boletše go dira. “Phetlang Mangwalo, ka gore ka go Wona le nagana gore le na le Bophelo bjo Bosafelego, gomme ke Wona a pakago ka Nna,” a a bolelago gore Yena ke Mang.

<sup>29</sup> Gomme ge barutiwa bale ka letšatši lela ba nno lebelela ka go Lengwalo, ba ka be ba hweditše ka Lengwalong gore O tshepišitše go tsoga gape. Gomme Modimo o tshepišitše go Mo tsoša, gomme O dirile. Efela, Lentšu la Gagwe le le tshepišitšwego le be le ngwadilwe gore O tla e dira go bona. Lentšu le boletše gore O tla tsoga.

<sup>30</sup> O be a e tshepišitše, eupša efela ba be ba nyamile le go fenyega gohle, le se sengwe le se sengwe. Ba naganne ba be ba lahlegetšwe ke se sengwe le se sengwe ba bilego le sona, gomme se sengwe le se sengwe se paletswe. Gomme e be e le iri ya leswiswiswi kudu yeo, ke a thank, ba kilego ba e bona. Ba bile le dikholofelo ka go Yena, le go dumela ka go Yena, le go bona ponagalo ya Gagwe ye kgolo ya mehlolo le maswao le matete, le bohlatse bjhole bja Mesia. Gomme ka gona go Mmona a eme kua gomme a ehwa, gomme a na le mare a beilwe godimo ga sefahlego

sa Gagwe, gomme, ge, A kgonne go hlatha dikgopolو tšeо di bego di le ka dipelong tša batho.

<sup>31</sup> Eupša ge ke dira se ka tlha—tlha tlhagišo ya lefase, e swareleng. Eupša, “ge di—di ditshetla di le fase,” fao ke ge o sa dumela.

<sup>32</sup> Ge ba bea lešela go dikologa sefahlego sa Gagwe, mašole ale a go tagwa, gomme ba bea lešela go dikologa sefahlego sa Gagwe, gomme ba tšere lepara gomme ba Mo itia hlogong, ba rile, “Bjale, re a kwešiša gore O moprofeta. Ge O le moprofeta,” gomme ba fetišeditše lepara lela go yo mongwe, gomme ba rile, “re botše ke mang a Go iteilego. Re tla e dumela.”

<sup>33</sup> Le a bona, go be go lebega o ka re O—O—O be a swerwe ka molabeng. Gomme ba naganne, “Gabotse, ge ba ka tsoge ba bolela e ka ba eng go—go Yena, O tla no ba foufatša. O be a tla ba itia ba hwa ge ba ka bolela eng kapa eng.” Le a bona, woo ka mehla ga se morero wa Modimo ka go dira dilo. Le a bona?

<sup>34</sup> Ge A be a le sefapanong, gomme Kayafa le mo—mo moprista bohle ba rile, “Ge O le Kriste, re botše pepeneneng. Fologa sefapanong, re tla Go dumela.” Le a bona, ba no se kgone go kwešiša ka fao Modimo a ka tsogego a ya sefapanong gomme a hwa. Eupša, ke ka baka leo Modimo a dirilwego nama, gore A kgone go hwa.

<sup>35</sup> Bafarisei ba Mo file theto ye kgolokgolo A kilego a ba le yona, ge ba rile ba bangwe O be a ka se kgone. . . . “Ba bangwe O ba pholosítše, Yenamong ga A kgone go iphološa.” Nnete, yeo e be e le theto. Ge A ipholosítše Yenamong, O be a ka se kgone go pholosha ba bangwe. O ile a swanela go ineela Yenamong.

<sup>36</sup> Ke ka baka leo Modimo a dirilwego nama, gore a hwe, gore A kgone go tlaishiga le go tšeа kotlo godimo ga Gagwe mong. O be a ka se kgone go e dira ge feela A be a le Jehofa, ka moyeng. Modimo Tate, ka moyeng, o be a ka se kgone go e dira. Eupša ge Modimo a dirilwe nama le go dula magareng ga rena, Motho, gona O kgonne go latswa lehu, gomme o tšeа kotlo ye A e beilego godimo ga batho bohle. O e tseetše godimo ga Yenamong, gomme o lefile poreisi.

<sup>37</sup> Efela, Lentšu la Gagwe le le tshepišitšwego le tshepišitše tsogo ye, eupša ga se ba kwešiša gore go tla ba bjalo. Ba be ba ka se kgone go no fihla go yona ka go felela. Lentšu, O be a le bohlatse bja tshepišo ya Gagwe. Jesu, a bolela le Kleopa yo le mogwera wa gagwe, tseleng go ya Emause, e be e le bohlatse bja Lentšu la Gagwe le le tshepišitšwego, gomme go le bjalo ga se ba ke ba le kwišiša.

<sup>38</sup> Gomme a nke ke e bolele lehono. Ka morago ga mengwaga ye dikete tše pedi tša go ruta, go dumela, O sa phela, gomme batho ga ba kgone go e bona. Ga ba kgone go e kwešiša. Selo se segolo ke gore ba be ba kitetšwe ka dilo tše dingwe, dipaelo tše ntši

kudu, le dilo tše dingwe tše ntši kudu. Ke ka lebaka leo ga ba kgone go e kwešiša.

Ba be ba nyamile kudu le go kgeiga, go e kwešiša.

<sup>39</sup> Bjale, hlokamelang, ba be ba bolela ka Yena. Bjale ba be ba le tseleng godimo go ya Emause, ba be ba eya go ya morago go mošomo wa bona wa kgale gape. Gomme Petro o ile go thea dihlapi, gomme ba bangwe ba ka moka ga bona ba ile le yena. Gomme Kleopa le mogwera wa gagwe, ba rile, “Gabotse, re tla ya godimo Emause.” Fao mohlomongwe ke mo ba phetšego, gomme e ka ba leeto la letšatši la Sabatha, dimaele di se kae go kgabaganya thaba.

<sup>40</sup> Gomme mosong wo mobotse wo wa Paseka, Jesu godimo go tšwa bahung! Godimo! Lentšu la Gagwe, Lentšu la Modimo, le phethagaditswe. “Nka se tlogele Mokgethwa wa Ka a bona go bola, ebile Nka se lese wa Ka . . . Nka se—nka se tlogele soulo ya Gagwe ka heleng, ebile Nka se lese Mokgethwa wa Ka go bona go bola,” e be e le Lentšu. Hlokamelang, Dafida o e boletše.

<sup>41</sup> Jesu o rile, “Senyang tempele ye, gomme Ke tla e tsošetša godimo ka matšatši a mararo.” Le a bona? “Morwa wa motho o ya godimo Jerusalema, a gafelwa diatleng tša Bantle, gomme monna yo sehlogo, a kwewra le go gobatšwa, le go bapolwa, eupša ka letšatši la boraro O tla tsoga gape.” O boletše bjalo, seo se be se swanetše go ba se e rarolotše.

<sup>42</sup> Gomme fa monna ba bao A ba boditšego seo, bao ba tsebilego Lentšu, ba sepela go bapa le tsela, ba nyamile ka yona. A o ka kgona go eleletša pono ye bjalo? Eupša ka nnete e bušeeditše gape. E bušeletšwa gape.

<sup>43</sup> Re hwetša, ge ba be ba eya go bapa le tsela, selo se tee se segolo ka bona, ba be ba bolela ka Yena ge A tšwelela.

<sup>44</sup> Bjale bjoo ke bothata lehono, lebaka ke naganago ga A bonagale go ba bantši kudu ba rena, ke ka gobane ga re bolele ka Yena go lekanelo. Re na le dilo tše dingwe re swanetšego go bolela ka tšona. Phapano ya dikerekemaina tša rena, re swanetše go nganga ka tše. Re swanetše go bolela ka bokomonisi. Re na le mehuta yohle ya mananeo, le se sengwe le se sengwe gape, tšohle di re dirile re tlengwe. Ga re ne nako go bolela ka Yena. Lenaneo la kereke, ke mang a yago go ba modiša yo a kgethilwego, yo a yago go dira *se*, gomme ke mang a yago go dira *selo*, re bolela ka se sengwe le se sengwe gape eupša Yena.

<sup>45</sup> Ge, re swanetše go be re bolela ka Yena! Go ka mehla. Ao e swanetše go ba a rena—rena . . . Ao e swanetše go ba maikaelelo a rena, bjoo e swanetše go ba bophelo bja rena—bja rena ka moka, bo ka go Yena.

<sup>46</sup> Ke rile go monna letšatši le lengwe. O rile, “Gobaneng, a o dumela selo seo?”

<sup>47</sup> Ke rile, “Mohlomphegi, ke feditše bophelo bja ka. Yeo ke nnete. Ke tla neela bophelo bja ka bakeng sa Lona. Ke duma ge nkabe ke na le maphelo a dikete tše lesome go Le fa. Ke sa Le dumela.”

<sup>48</sup> Nnete, re swanetše go be re bolela ka Yena, ge re nyaka go Mmona. Moo ke ge, ka mehla.

<sup>49</sup> Ba be ba swanetše go ba ba Mo lemogile, eupša ga se ba ke. Ge A sepeletše godimo lehlakoreng la bona, ba be ba swanetše go ba ba tsebile. Elelwang, ba sepetsé le Yena lebaka la mengwaga ye meraro. Gomme fa... A le ka eleletsa? Barutiwa ba Gagwe bao ba sepetségo le Yena lebaka la mengwaga ye meraro, šo O sepela thwi go bapa hleng le bona, gomme ba nno foufala bjalo ka manggagane. Gobaneng? Gobane ba be ba sa tsebe Lengwalo. Gomme, efela, O be a ba boditše Lengwalo.

<sup>50</sup> Gomme mo O be a le, *Imaneule*, “a dirilwe nama, a dutše magareng ga rena,” gomme Bafarisei ga se ba e lemoga. Ga se ba kgona go kwešisa seo, ka fao Monna yo... Gabotse, ba Mmapotsé, gobane, o rile, “O robile Sabatha gomme—gomme o itirile Modimo Yenamong.” Ke ka baka leo ba Mmapotségo. Bjale re hwetše, gore lebaka le ba šitilwego go tseba seo, ke ka baka la gore ba be ba sa tsebe Lengwalo.

<sup>51</sup> Bjale barutiwa ba ba be ba swanetše go Mo lemoga, eupša ba be ba sa tsebe Lengwalo. Mo ka gona O utolotše go bona, hlokamelang, ge A thoma go ya mmogo, O utolotše go bona Lengwalo le le tshepišago malebana le Yenamong lebakeng leo; e sego Lengwalo le le tshepišago go lebaka la Noage, e sego Lengwalo le le tshepišago bakeng sa mabaka a mangwe. Tshepišo ya Lengwalo ye e amago Yenamong bakeng sa lebaka leo, ye e laeditše tlwa gore O be a le mang. Le a bona?

A thoma go ba botšisa, a re, “Ka baka la eng le nyamile bjalo?”

<sup>52</sup> “Gobaneng,” ba rile, “a O mosetsebje mo?” Ba Mo lebelela thwi ka sefahlegong. “A O mosetsebje mo, gomme ga o tsebe se se diregilego? Gobaneng, Jesu wa Nasaretha, moprofeta yo a netefaditswego ke Modimo, gomme re holofetše gore O tla ba Yena yoo a tlago go hlakodiša Israele; gomme le ke letšatši la boraro, gomme ba Mmapotsé, le dilo tšohle tše.” Gomme O no...

<sup>53</sup> O rile, “Ke dilo dife di diregilego?” Feela boka O be a sa tsebe selo ka yona. Le a bona, O nno dira mo o ka rego O—O be a sa tsebe selo ka yona.

<sup>54</sup> Eupša bjale elelwang, ge A thoma go bolela nako yeo, O thoma go utolla go bona ditshepišo tše di lebanego le Yenamong. O rile, “A ga le tsebe ka fao Kriste a swanetše go tlaišega pele le go tsena ka letagong la Gagwe?” Gomme ka gona A thoma, ka Mangwalo, go tšwa go Moshe le bohole baporofeta, le go utolla go bona Mangwalo a amago Yenamong, Mesia. Se Mesia a bego a swanetše go ba, se ditiro tše A swanetše go di dira, se sengwe

le se sengwe seo A swanetšego go ba, O utolotše seo go bona, gomme Yena golebjalo ga se ba kwešiša.

<sup>55</sup> Ge seo e se poeletšo, lehono! O dira sa go swana, gomme golebjalo kereke e tsekella ka leswiswing. A utolla go bona gore ke Yena Mang le se A lego sona, gomme—gomme golebjalo ba re, “Gabotse, bjale, ke a dumela kereke ya ka e ruta . . .” Ke lena bao. Le a bona, ke ka baka leo le . . .

<sup>56</sup> Eyang morago go Lengwalo, phetlang Lengwalo, Ba na le Therešo. Re na le Lona le phetlilwe kudu. “Re tseba bjang gore Ke Lengwalo?” Ge e le Lengwalo le le tshepišeditšwego lebaka leo.

<sup>57</sup> Bjale, ga se A ye morago le go re, “Le elelwa Moshe, se a se dirilego?” Le a bona? O utolotše go bona Lengwalo le le amanago le Yenamong, bakeng sa lebaka leo. O be a le Seetša sa lebaka leo.

<sup>58</sup> Moshe o be a le seetša sa lebaka la gagwe. Jeremia o be a le seetša sa lebaka la gagwe. E be e le seetša sa Modimo se phadima pele bakeng sa Lentšu leo le tshepišitšwego go lebaka leo. Lebaka le lengwe le le lengwe le na le Lentšu la lona le le tshepišitšwego. Modimo o romela baprofeta ba Gagwe le go utolla Lentšu lela; o hlatsela moprofeta wa Gagwe, pele, morago o utolla Lentšu lela le go Le dira le phele.

<sup>59</sup> Gomme Jesu o be a le Kriste. Gomme se sengwe le se sengwe seo se amanago le Kriste, O se hlatseditše. Tswalo ya kgarebe, o fodišitše balwetši, o hlathile dikgopololo ka dipelong tša bona, se sengwe le se sengwe seo A bego a swanetše go se dira go ba—go ba Mesia, gomme, efela, o tsogile go tšwa bahung, gomme golebjalo ga se ba ke ba e lemoga. Golebjalo ga se ba ke ba e tseba. Ka morago ga ge Mangwalo a utolotšwe, golebjalo ga se ba ke ba Mo lemoga, le ge A be a le Lentšu lela le tshepišitšwego. Bjale elelwang ke mo go botse, Lentšu le A bego a le utolla go bona, go ba laetša. Ba be ba sepetše thwi le Yena lebaka la mengwaga ye meraro, gomme ba lemoga seo, ba tsebile gore O phethagaditše Lentšu lela. Šebale ba ile, ba sepela go theogela Emause, “A go bjalo?” Huh! Ba nno se e kwešiše! Ga se ba e hwetša.

<sup>60</sup> Hlokamelang ka gona ge go etla lefelong, ka morago ga ge Yena a utolla Lentšu, godimo gape, go bona, le go ba laetša ka fao Kriste a swanetšego go dira dilo tše, gomme golebjalo ga se ba e hwetša. Hlokamelang kgalemo ba e hweditšego, bona bareri, ka go se tsebe le go lemoga Lengwalo le le phethagaditšwego leo le phethagaditšwego pele ga mahlo a bona. Hlokamelang mantšu a Gagwe go bona, “Mašilo, ba go tšwafa go kwešiša.” Mo go be go le Modimo ka Boyena, Mesia yo a tsogilego, a sepela mmogo le bona, a ba laetša. O rile, “Gobaneng, a ga le kwešiše gore Kriste o swanetše go dira dilo tše? A ga le tsebe gore e swanetše go ba ka tsela *ye*, le ka tsela *ye*, le *bjalo* le *bjalo*?”

<sup>61</sup> Gomme letšatši lohle botelele, go ba hlathollela Mangwalo, gomme golebjalo, “A go bjalo?” Gomme ba be ba sa tsebe gore e be e le Yena a eme thwi fale.

<sup>62</sup> Ka gona O lebeletše tikologong. Morago ga ge A rerile Lentšu, gomme o be a ba boditše le go ba laetša dilo tše di bego di swanetše go ba, gomme golebjalo ga se ba e kwešiša. O rile, “Mašilo, le ba pelo ya go tšwafa go kwešiša, le a bona, go kwešiša Lengwalo le le hlatsetšwego la iri,” Lengwalo le le amanago le Yena ka letsatšing leo. Efela O be a na le barutiwa, eupša ga se ba tseba Lentšu le le ngwadilwego ge ba Le bone le dirwa go bonagala.

<sup>63</sup> Ke nyaka go dira seo se nwelele, feela nakwana. Le a bona? Le a bona, ba be ba sa tsebe ge . . . E baleng go tšwa Lengwalong, gore ke tshepišo ya letšatši le, gomme ka gona šetšang Modimo a e dira go bonagala, gomme a no fela a re, “Ke a makala.” Selo sa go swana, le a bona, feela tlwa. Re sa mekamekana le batho.

<sup>64</sup> Gomme re hwetša gore O ba kgalemile, ka bogale. Ba be ba le barutiwa. Ka gore, ba be ba sa tsebe Lentšu, gore, ge Le be le dirwa go bonagala pele ga bona, ba be ba sa le kwešise.

<sup>65</sup> Eng? Selo sa go swana se diregile lehono. Eupša ka megopolong ya batho . . . E go dira o ba kwele bohloko, ka baka la gore yo motee o na le sehlopha se eya ka tsela *ye*, gomme yo motee o na le se tee se eya ka tsela *ye*, gomme sohle ba naganago ka sona ke go dira sehlopha seo se gole. Leo ke lebaka leo Kriste a ka se kgone go ikutolla Yenamong go batho.

<sup>66</sup> Gobaneng, Kereke e swanetše go ba kudukudu . . . Gobaneng, e swanetše go ba ka go legato la yona la letago bjale, le maatla a tsogo ya Gagwe, maswao a magolo le matete.

<sup>67</sup> Sebakeng sa seo, ba tlankela bontši kudu ka se, go fihla ba sepelela ka bofou ka go Khansele ya Mohlakanelwa, go tšeа leswao la sebata, gomme ga ba tsebe; seo ke tlwa, go tseba Lentšu la Gagwe go bolela gore le tla dira seo. Gomme ba nagana ke mo gobotse ka kgontha, ke mo gobotse, go dira moneelo wo mobotse, gomme kafao ba tla e dira. Babedi ba ka sepelela mmogo bjang? Lena Mapentecostal le ya go dira eng? O ya go swanela go dira thuto ya gago ya motheo ya kolobetšo ya Moya wo Mokgethwa, go e dira. Nnete, ke wena. Gomme ke wena yoo. O ya go dira eng ge nako yeo e etla? Feel a ka bošilo go sepelela thwi ka go yona!

<sup>68</sup> Ba bangwe ba baetaapele ba batho ba Pentecostal, batho ba Ebangedi ya go tlala, ba ema ka go dikhansele tše, le go dula pele ga Vatican, le ka go ditlhatalamano, le go ya pele, le go re, “Ke maikutlo a semoya kudukudu.”

<sup>69</sup> Monna yo a hwilego bogatšu ka Moya wa Modimo, yo a ka dirago se sebjalo ka seo, ga go makatše O tla re, “Mašilo, le ba pelo tša go tšwafa go kwišiša se Lengwalo le se boletšego.” O be a tla bolela bošegong bjo, ge A be a bolela ka sebjana, O be a tla bolela selo sa go swana. “Mašilo, le ba pelo tša go tšwafa

go kwiša gore bjang ge Lentšu le dirwa go bonagala thwi fao, gomme ka gona re sepelela thwi ka go yona." Go a swana bjale!

<sup>70</sup> Re matasatasa kudu ka mananeo a ren. Le ren. . . Ba be ba le matasatasa kudu, ba Mo theeditše, le go dira dilo tše dingwe. Gomme—gomme kafao re hwetša, gore, bjale re na le dithutotumelo tše ntši tša go fapana, re na le mananeo a mantši kudu a thelebišene.

<sup>71</sup> Gomme bjale re na le mosepelo wa molwalebokomonisi. Ke be ke theeditše *Mothalo wa Bophelo*, mosong wo mongwe, o efa ditatamente tša maleba ka yona, gore—gore, bokomonisi, gobaneng, o ka se tsoge wa bo swielela. Gobaneng, ba bile ka fa lebaka la mengwaga le mengwaga le mengwaga. Manaeo ohle a go fapana a le ditshepedišo, go boletše bjalo *Mothalo wa Bophelo*, ebile le ka go meatlelo ye boka kgobalo ya bjoko, le dilo boka tše ka go yona, ka go mosepelo wa molwalebokomonisi. Mosepelo wa molwalebokomonisi, makomonisi a ka fale a e šušumetša, feela go hwetša ke mang. Oo, nna! Ga ke na kgahlego go seo.

<sup>72</sup> Ke na le kgahlego ka go Tleng ga Jesu Kriste, bakeng sa Kereke. Badiredi ba swanetše go ba matasatasa ka seo, le go bona se Mangwalo a se tshepišitšego lehono. Ga se ka lebelela go tše taolo, ga makomonisi. Ke lebeletše bakeng sa Mmušo wo o tlago, Jesu Kriste, le Mileniamo go tsena. Ebile ga go (ka phethagalo) ba ne kgahlego ka go bokomonisi goba ga go le e tee ya diism tša bona, goba diism tša bodumedi bja lena, ga go le e tee ya yona! Ke ne kgahlego ka go Jesu Kriste, gomme Yena a nnoši, go dira batho ba Mmone. O fa, a netefatša Yenamong, fa go bontšha tlwa se A rilego O tla se dira mo matšatsing a mafelelo.

Bjale ga se ba e kwešiša. Ba be ba le matasatasa kudu.

<sup>73</sup> Efela, ba tleleima lehono go dumela gore O tsogile go tšwa bahung. Yo mongwe le yo mongwe, o a dumela O tsogile go tšwa bahung? Bao ka kgonthe ba tleleimago go ba Bakriste, ba dumela seo. Gomme ka gona A ka kgonia go tla thwi go dikologa le go dira tlwa se A rilego O tla se dira ka morago ga tsogo ya Gagwe, gomme go le bjalo ga ba e bone. Ee, mohlomphegi. Oo! Ke therešo. Bona, ba sa no se e bone.

<sup>74</sup> Dithutotumelo, mananeo a thuto, ba na le badiredi ba bona ntle le go ba dira ba rutge kudu. E tla foufala, e soufetše go dithutobomodimo tša bona tša madirwakemotho, gore ba tlogile Lentšung la Modimo.

<sup>75</sup> Bjalo ka ge ke boletše bošegong bja go feta, Modimo ga a hloke mohlatholli e ka ba ofe. Nka se kgone go hlatholla Lentšu la Gagwe, le yo mongwe a ka se kgone go hlatholla Lentšu la Gagwe. Ke mohlatholli wa Gagwe Mong. Ge A rile O tla dira e ka ba eng, O a e dira, gomme seo se a e ruma. Seo ke sohle se lego go yona. O rile O tla e dira, gomme O e dirile. Seo se a e ruma. Ga A hloke motho go bolela *se ke Sela*, goba *sela ke Sela*. O a e

dira, Yenamong. Ditlhathollo tša rena ga se selo go Lengwalo. O a bolela, ka Boyena, gomme yeo ke tsela ye e lego.

<sup>76</sup> Ge mathomong, ge A rile, “A go be le seetša,” gomme gwa ba seetša. Seo ga se hloke tlhathollo ye e itšego. “Kgarebe e tla ima,” e dirile! “Ke tla tšollela Moya wa Ka godimo ga nama yohle,” O dirile. Ga ke hloke tlhathollo e ka ba efe.

<sup>77</sup> Se A rilego O tla se dira mo letšatšing le, O se dirile. Ga le hloke go hlathollwa; le itlhatholla ka bolona. Ke mohlatholli wa Gagwe Mong.

<sup>78</sup> Bjale, eupša re matasatasa kudu ka dilo tše dingwe, gomme re tlošitše batho ba rena. Gomme bontši bja maboromiwa a Ebangedi ya rena ya go tlala, le go ya pele, le dikolo, di fa monna teko ya saekolotši pele... teko ya monagano, pele ga—ga rasaekolotši, pele a ka kgona go ba—a ba moromiwa, go bona ge eba IQ ya gagwe e godimo go lekanela. A seo ga se se sengwe? Ke kgona go eleletša seo ka go se sengwe sa go itlhophya, selo sa kgole se sengwe se se hwilego mengwaga ye mentši ya go feta. Eupša bonanana bjalo ka ge Pentecost e le, ba be ba ka kgona bjang go tsoge ba dira selo boka seo?

<sup>79</sup> A le kile la eleletša IQ ba e nyakilego ka Letšatši la Pentecost? Tumelo ka go Modimo, seo ke se ba se nyakilego. Nnete! Seo ke senyakwa. “Ge o dumela, maswao a a tla latela bona ba ba dumelago,” Jesu o boletše. Ga se nke A re ba lekeng bakeng sa IQ ya bona. O rile, “Eyang ka lefaseng lohle,” baromiwa, “dirang barutiwa ba ditšhaba tšohle. Maswao a a tla latela bona ba ba dumelago!” Yeo ke IQ, IQ ya Modimo, ge eba o na le tumelo ya go lekanela go dira dilo tše di phele le go ba tša kgonthé, Kriste a bonagaditswe go batho.

<sup>80</sup> Eupša, lehono, re nyaka go ba leka ka mohuta tsoko wa lenaneo la thuto. Nna!

<sup>81</sup> Ba leka Jack Ruby, letšatši le lengwe, bakeng sa bogafa. Ba sa e dira. Lefase ka moka le a gafa. Kgonthé, motho o gafa. Ga go motho a ka kgonago go thunya yo mongwe ntle le go gafa. Lefase ka moka le a gafa. Nnete, ke lona. Molemi, o a gafa go rakgwebo. Rakgwebo o a gafa, go molemi. Ke mang yo a gafago? Sehlopha sohle se a dira.

<sup>82</sup> Go ne selo se tee feela sa go hlamatsega, gomme seo ke Jesu Kriste Morwa wa Modimo, gomme Ebangedi ya Gagwe e na le karabo go selo se sengwe le se sengwe. Dipuku tša rena tša saekolotši, le dilo tšohle tše, ke ditšiebadimo. Ge e le kgahlanong le Lentšu le, e lahleleng kgole. Lentšu la Modimo le a rereša, gomme ka moka ba bangwe ba phošo.

<sup>83</sup> Re bona dilo tše. Ga go makatše lefase le tlide la karabetšwa ka mading! Ga go makatše dilo di ka tsela ye di lego bjale! Ga re... E no ba nako ye nngwe le ye nngwe... Ke a makala ge eba Oswald, yo a bolailego Mopresidente wa rena, ke a makala ge eba o tla ba le teko ya bogafa. Ke a e belaela. Eupša, le a bona, motho

a ka kitimela bjang ka gare le go thunya monna yo mongwe, morago a tsea bophelo bja gagwe gomme a ya pele? Bjale, ke ka Texas, ke tla no ema go seo. Eupša a nke ke le botše se sengwe, e ka ba . . . Morena o tla e hlokomela yohle, letšatši le lengwe, mo go Tleng ga Gagwe. Hlokomelang, ga o na le tokelo ya go tsea bophelo bja motho e ka ba mang. Aowa, mohlomphegi. Modimo ke yena a nnoši a nago le tokelo ya go tsea bophelo. Ke therešo.

<sup>84</sup> Bjale šetšang, Lentšu ka therešo le ngwadilwe, tshepišo ya lebaka leo, le hlatseditšwe ka phethagalo, gomme go le bjalo ga se ba Le lemoga. Hlokomelang, ba be ba sa tšo Mo amogela go ba moperfeta, Jesu wa Nasaretha. “A O no . . . A O mosetsebjje fa? Jesu wa Nasaretha, yo a bego a le moperfeta yo maatla ka tiro pele ga Modimo le batho.” O Mo dumetše go ba moperfeta! Ka gona, ge ba be ba Mo amogetše go ba moperfeta, moperfeta o rometšwe go lebaka le a phelago ka go lona. O swanetše go bonagatša tshepišo ya Modimo. Lentšu le tla go moperfeta. Gomme ge A be a le moperfeta, gona Lentšu le le tshepišitšwego la lebaka leo le be le swanetše go bonagatšwa ke Yena, gomme go le bjalo ga se ba ke ba Mmona. Ba be ba no se kgone go e bona.

<sup>85</sup> Ba rile, “O be a le moperfeta, yo maatla ka tiro,” le se mediro ya Gagwe e bego e le sona, “maatla ka Lentšung pele ga Modimo, le go ya pele. O be a le yo mogolo, gomme re be re holofetše . . .” Israele e bile le dikhlofelo tša bona di agilwe godimo ga Gagwe; Israele ya semoya, e sego kereke Israele, se . . . e no ba setšhaba. Ba—ba batho, Israele ya kgontha ya semoya e bile le dikhlofelo tša bona di agilwe godimo ga Gagwe.

<sup>86</sup> Gomme, hlokomelang, gona ge ba Mo amogetše bjalo ka moperfeta, O ile go eng? O dirile feela tlwa se moperfeta a swanetšego go se dira, O ile thwi ka go otologa morago go Lentšu. Le a bona? Thwi morago, go bontšha. Ge A be a le moperfeta yoo ba rilego O be a le, O ya thwi morago go bontšha Lentšu le le tshepišitšwego la Yenamong, la letšatši leo. Go le bjalo ga se ba ke ba Mo lemoga. Ba sepetše thwi go bapela, ba foufetše ka fao ba bego ba kgona go ba, ga se ba ke ba e lemoga. Lentšu le le tshepišitšwego la lebaka la bona, O be a le moperfeta go bonagatša selo sela sa go swana.

<sup>87</sup> Bjale lebelelang, O rile, “Mašilo, ba dipelo tša go tšwafa go kwešiša tšohle tše baprofeta ba di boletšego ka Kriste, ka fao gore O swanetše go tlaišega ka dilo tše tseo A di boletšego, gomme morago a tsene ka letagong la Gagwe, gomme a tsoge ka letšatši la boraro. Dilo tšohle tše A swanetšego go di dira, gomme efela ga le kwešiše?” Ba be ba swanetše go be ba tsebile gore go be go le Monna yo a bego a dira bohlatse bja se ba bego ba se bolela ba be ba se dumela. Eupša go le bjalo ga se ba kgona go e bona. O be a le leswao la kgontha la moperfeta wa therešo—wa therešo, ka mehla; go se ye morago go lentšu tsoko le lengwe, morago go le lengwe, eupša go netefatša Lentšu gore lehono O phela ka go tshepišo ya Gagwe.

<sup>88</sup> Bjale elelwang, pele A etla, Johane o tlie go lefelotiragalo. O be a le moprofeta. Gomme o be a le eng? Pulamadibogo ya Mesia. Gomme o rile, “Ga se nna Mesia.” Ba naganne o be a le, gobane o be a le moprofeta. O rile, “Ga se nna Mesia. Ebile ga ke na maswanedi go tlemolla dieta tša Gagwe, eupša O eme magareng ga lena.” Oo, Johane o be a le phosithifi O be a le fao, gobane O tsebile o be a swanetše go Mo tsebiša.

<sup>89</sup> Tatagwe e be e le moprista. Ga se a ye seminaring ya bona, go ithuta go ba moprista. Mošomo wa gagwe o be o le bohlokwa kudu. O ile lešokeng, go ba a nnoši le Modimo. O be a sa nyake go rwala karata ya kopanelo go tšwa go mang kapa mang, goba ba be ba tla bolela *se, sela*, goba *se sengwe*, gobane ba be ba hlakahlakane gohole le go huetšwa ke—ke tshepedišo ya monna wa letšatši leo. Mošomo wa gagwe o be o le bohlokwa. O ile a swanela go ithekga ka Modimo a nnoši, gobane o be a swanetše go kwalakwatša Mesia.

<sup>90</sup> Jesu o rile, “O be a le seetša sa go kganya le go phadima, gomme bakeng sa sehla le dumile go sepela le yena, le ipshinne ka go sepela hleng le yena. Eupša ke na le bohlatse bjo bogowlane go feta Johane.” Le a bona? O . . . Go le bjalo ga se ba e dumela.

<sup>91</sup> Leswao la kgonthe la moprofeta wa therešo, a eya godimo, a ba bušetša morago go Lentšu. Ba be ba sa kgone go kwešiša mokgwa wa Gagwe wa go bolela.

<sup>92</sup> Gomme, lebelelang, Lengwalo le be le boletše seo se be se eya go direga, tlwa lentšu ka lentšu ka tsela ye le bego le le. Le Dafida, makgolo a mengwaga pele ga fao, e ka ba makgolo seswai a mengwaga, o goeeditše sona selo sa go swana seo A se boletšego mo sefapanong. Gomme ga go pelaelo, gore ka tempeleng mosong wola, ba ka no ba ba opetše koša yela ya go swana, Pesaleme 22, “Modimo wa Ka, Modimo wa Ka, gobaneng O Ntlogetše?” Ka tempeleng ba opela ka yona, gomme, Modimo yo ba tleleimilego gore ba mo hlanketše, ba be ba mmapola.

<sup>93</sup> Go bjalo le lehono! Modimo yo ba tleleimago gore ba dumela ka go yena, yo a iponagatšago ka Boyena, ba tla, le tla tswalela lebati le lengwe le lengwe, gomme ga go tirišano, ga go selo gape. Ba . . . E kgahlanong le dithutotumelo tša bona. O mašilo, pelo ya go tšwafa go tseba letšatši le re phelago ka go lona! A Modimo ga se a tshepiša se ka matšatšing a mafelelo? Ka fao kereke ye ya Laodikia e tla bago bolelo, gomme Jesu ka ntle, a leka go tsena bakeng sa tirišano ye nnyane? Jesu ke eng? Lentšu, Lentšu la therešo le le dirilwego go bonagala. Ka ntle, go leka go tsena ka gare, gomme ga se la kgona go tsena ka gare.

<sup>94</sup> Iri ye re phelago ka go yona, go le bjalo, go foufala, tsela ya go swana. Jesu o rile ba tla ba ka mokgwa woo. Baprofeta ba rile ba tla ba ka mokgwa woo. “Hlogothata, monagano wa godimo, barati ba maipshino go feta barati ba Modimo. Babatasekgoro, dihwirihwiri, ba go se tsebe go itshwara, manaba a tše bolo, ba

na le sebopego sa bomodimo, ba gana Maatla a bjona,” Maatla a tsogo ya Gagwe, ponagalo ya Gagwe gore O a swana maabane, lehono, le go ya go ile. Gomme O a phela lehono, go ya go ile, go hlatsela dilo tše A di boletšego. Ga ke le hlahlawetše, eupša ke nyaka le kwe.

<sup>95</sup> Therešo, mahlo a bona a be a sa tswaletšwe. Hlokamelang, le ge ba be ba sa kgone go dumela, go be go le selo se sengwe ka go bona, ba Mo laleditše go tsena. O dirile mo o ka rego O be a eya pejana.

<sup>96</sup> A ka no dira ka mokgwa woo go lena, bošegong bjo. Bjale go tswaleleng, ke ya go tswalela ka pela gore ke kgone go ba le mothalo wa thapelo. A ka no dira o ka re O ya go go feta kgauswi. Mohlomongwe karata ya gago ya thapelo e ka se bitšwe, eupša, elelwang, mohlomongwe O no go fa teko, le wena. Le a bona, O no ba bontši Modimo ntle fale bjalo ka ge A le godimo fa, goba e ka ba kae gape. O netefatša seo, mosegare ka morago ga mosegare, bošego ka morago ga bošego. Yena ke Modimo, mogohle. Le a bona? Yena ke motlalagohle.

<sup>97</sup> Bjale elelwang, O dira o ka re O ya go feta kgauswi. Gomme ba Mo phegelela. Bjale, ba be ba sa kwešiše se A bego a bolela ka sona, eupša efela menagano ya bona yohle . . . Ba be ba sa tsebe ba dumele eng.

<sup>98</sup> Bjale go no ba batho ba bantši ba go swana le bao, lehono. Go na le motho ba bantši boka yoo ka Beaumont, bošegong bjo. Ga ba tsebe ba dumele eng. Eupša le tseba se ba se dirilego? Ba dirile selo se bohlalehlale kudu seo motho e ka ba mang a ka go se dira, ba Mo laleditše ka gare. Yeo ke yona. Yeo ke yona. Ke nako yeo, gomme ka gona feela, A ka kgona go ikutolla ka Boyena, ge A laleditšwe go tsena. Mo amogelete ka gare, o re, “Morena Jesu, ke a tseba Lengwalo le bolela seo. Nka no se e kwešiše, eupša etla ka pelong ya ka. Ke nyaka go Go amogela. Ke nyaka go Go dumela. Gona, iponagatše Wenamong go nna.”

<sup>99</sup> Hlokamelang, ba Mo laleditše ka gare. Bjale ga se ba ke ba kgona go e hlatholla, ba—ba, ke . . . Yena, O nno . . . Ga se ba kwešiša se A bego a bolela ka sona. Yohle e be e hlakahlahkane, go bona. Ba be ba sa kgone go e kwešiša, eupša efela ba rile, mema, ba Mo phegelela, “O swanetše go tsena!”

O rile, “Aowa, Ke—Ke swanetše go be ke eya pele.”

<sup>100</sup> “Oo, eupša, Morena, O—O swanetše go tsena! Wena, O swanetše go tsena!” Gomme ba Mo phegelela go fihla, ba Mmitša, le go fihla A swanetše go tsena.

<sup>101</sup> Yeo ke tsela ye o dirago. Gomme ka gona ge A tsena ka gare, fao ke ge A kgona go ikutolla ka Boyena. A ka kgona go itira Yenamong go tsebja ge a le ka gare.

<sup>102</sup> Hlokamelang ka fao A e dirilego ka morago ga tsogo ya Gagwe. Lentšu la therešo le le tshepišitšwego, le a bona, ga se

ba ke ba lemoga gore O be a le Mang. Eupša gatee ka gare ga bona, morago O butše mahlo a bona. Ka tsela yeo, ge A tsene ka gare ga moago le bona kua, O butše mahlo a bona morago ga ge A tsene ka gare. O butše mahlo a bona. Eng? Ka go se phagamiše seatla sa Gagwe godimo gomme a rile, “Bulang, a nke mahlo a lena a bulege.” Mahlo a bona a be a bulegile, golebjalo, nameng.

<sup>103</sup> Go swana le tlase ka Dathane, goba—goba Dothane, a ke re, e be e le, tlase kua ge ba bile... Eliya o be a le tlase kua. Gomme ba—ba Basiria ba be ba le godimo ga bona, gomme Gehasi goeeditše, “Tate wa ka, Basiria ba mo gohle!”

<sup>104</sup> Gomme Elisa o sepeletše ntle kua gomme o rile, “Go na le ba bantši le rena go feta ba na le bona.” O rile, “Morena, bula mahlo a mošemane yola.” Gomme go dikologa moprofeta yola wa kgale, le godimo ga thaba, go be go le dikoloi tša Mollo le Barongwa ba Mollo.

<sup>105</sup> Gomme Beibele e rile, “O rathile Basiria go foufala.” O ile ntle kua gomme a re, “A le nyaka Eliya?”

Ba rile, “Ee, re a mo nyaka.”

<sup>106</sup> “Etlang pele, ke tla le bontšha moo a lego.” Gomme ba be ba kgona go bona, nameng, ba sepela thwi go theoga. Eupša ba be ba foufetše o be a le mang.

<sup>107</sup> Gomme ke gore, bošegong bjo, o ka no ba le pono ye masomepedi masomepedi mahlong a gago. Eupša, moya wa gago, o ka kgona go kwešiša gore Ke Lentšu le le tshepišitšwego la letšatši le? Ke tshepišo ya Modimo. Modimo tsena ka gare, gona bula mahlo a gago. “Oo, yoo ke Yena, a ke yena?” O e tshepišitše. Hlokomelang, ka gare, O butše mahlo a bona go O be a le Mang, O be a le Mang. Bjale ge A ka kgona go tsena ka gare ga gago, bošegong bjo, go mothalo wa tumelo ya gago, A ka kgona go bula mahlo a gago, go go laetsa Bahebere 13:8 ke nnete, gore, “O a swana maabane, lehono, le go ya go ile.” Ge A ka kgona go tsena ka gare gomme a bula mahlo a gago, O tla dira sa go swana bjale.

<sup>108</sup> Feela bjalo ka ge A dirile go mosadi yola mo sedibeng, re boletše ka yena bošegong bja go feta. Bjale hlokomelang, o tsebile, ka Lengwalo, se A bego a swanetše go ba sona. Bjale, yeo e be e le karolo ye botse ka mosadi yola.

<sup>109</sup> Ba bantši ba rena, lehono, ga ba tsebe, ka Lengwalo, se A lego sona lehono. Re Mmeile ka legopong, Krisemose ye nngwe le ye nngwe. Ya, re tšea mmutla wa Paseka le go o dira tsogo ya Gagwe. Ga go makatše bohole re hlakahlakane. Le a bona? Yeo ke nnete. Ga go makatše ga re tsebe moo re lego. Eupša mosadi yo o tsebile, o be a na le ka monaganong wa gagwe, tlase ka pelong ya gagwe go be go le Peu yela.

Bjalo ka ge ke e thadile, go mogwera wa ka wa go loka, Jack Moore, lehono.

<sup>110</sup> Ka fao Bafarasei bale ka lehlakoreng le leso *fa*, pelo ya bona e be e le ye ntsho morago fale. Ba be ba se na le Bophelo, sa mathomo. Ge ba be ba e ba le seetša se sennyane, ge ba eya godimo, ka baka la gore ba be ba le ba bodumedi gomme ba thusitše go boloka melao. Gomme ge Lentšu, morago kua mathomong, le be le phadima tlase go kgabola Lentšu, Beibele, go bona; ba be ba sepela, eupša morago *fale* ga se ba be le Seetša.

<sup>111</sup> Fa go be go le yo monnyane yo, mmalegogwana wa tumo ye mpe, bophelo bja gagwe bja mathomo godimo *fa* bo be bo le boso ka fao bo bego bo kgona go ba, go tšwa bophelong bja gagwe. O be a le mmalegogwana. Sa bobedi, tlase, o be a no ba Seetša se sennyane nthatana, gobane o bile le kakanyo ya se Mesia a tla bago.

Mo go eme Jesu, gare ga bona.

<sup>112</sup> Ge A dirile leswao la Bomesia, o ba laeditše gore O be a le Mang le se sengwe le se sengwe, e fifaditše selo ka moka sa Bafarisei bale. Ba ile morago go boso. Ga se ba be le selo tlase *fa* go kgwaparetša go sona. Ba Mmiditše “Beletsebubu,” diabolo. Gomme seetša sela ba bilego le sona, se timile, gomme ba senyegile ka go sona.

<sup>113</sup> Mo go be go le mosadi yo, yo moso ka sebeng ka fao a bego a kgona go ba, eupša ka pelong ya gagwe o be a tseba se Mesia yoo a bego a tla ba sona. O tsebile leswao le A bego a tla le laetša. Gomme ka pela ge A rile go yena . . .

<sup>114</sup> O rile, “Ntlišetše seno.” O rile . . . O be a kgokagana le moya wa gagwe, go bona moo a bego a eme.

Gomme o rile, “Ga se setlwaedi.”

<sup>115</sup> O rile, “Genkabe o tsebile Yo o bego o bolela le yena, o be o tla Nkgopela seno.” Gomme poledišano e ile pele. Thwi O hweditše feela tlwa moo dikgopololo tša gagwe di bego di le, le se se bego se le ka pelong ya gagwe.

<sup>116</sup> O tsebile thwi nako yeo gore, ge Mesia a etla, Mesia o ile a swanelo go ba Modimo. Modimo ke Lentšu. Lentšu ke mohlathi wa dikgopololo ka pelong. Seo ke se se bego se le ka go baprofeta. Mosadi yola o tsebile bontši go feta seripa sa bareri ka Amerika ba tsebago bošegong bjo, yeo ke nnete, yeo ke nnete tlwa, gomme yena ka go legato lela—lela. Eupša, le a bona, o be a beetswe go Seetša, gomme ka pela ge Seetša sela se bonegile!

<sup>117</sup> Gomme o naganne O be a no ba monna wa mehleng, mohlolmongwe peelano. O rile, “Gobaneng, botatawešo ba rapetše thabeng ye. Gomme O re ka Jerusalema, o le Mojuda,” le go ya pele, poledišano . . .

O rile, “Sepela o bitše monnamogatša wa gago gomme le tle fa.”

O rile, “Ga ke ne le ge e ka ba monnamogatša.”

O rile, "O boletše gabotse. O bile le ba bahlano."

<sup>118</sup> Šetšang! Tshetlana ye nnyane yela ya Seetša, ya go tseba O be a le Mang, yeo e bonagetše eke e ka ba bjalo. "Mohlomphegi, ke a bona gore O moprofeta. Ke a tseba, ge Mesia a etla, seo ke se A tla se dirago."

O rile, "Ke nna Yena."

O rile, "Seo se e rarolotše!" Le a bona?

<sup>119</sup> Boso bjhohle bja gagwe bo dirilwe bošweu. Bošweu bjhohle bja Bafarisei bohole bo dirilwe boso, ka go Se gana. Yeo ke phapano, Seetša sa go phadima ka Lentšu. Le a bona? Gobane leina la gagwe le beilwe Pukung ya Kwana ya Bophelo pele ga motheo wa lefase, o E lemogile thwi bjale. E tšere Peu ye nnyane yela, e be e robetše morago ka morago ga tšhila yohle ye ya mahlapa le se sengwe le se sengwe boka seo, gomme ya e hlwekiša.

<sup>120</sup> Seo ke se A se tletšego, go hlwekiša yona mehuta yeo Tate a Mo filego pele ga motheo wa lefase. Amene. Ke ikwela bodumedi, ge ke tseba seo go ba Therešo. "Ga se yo a ratago, goba yo a kitimago; ke Modimo." Amene. E sego bontši ka fao o dirilego, goba bontši ka fao o sego wa dira. Ga go motho a nyakilego Modimo; Modimo o go nyakile.

<sup>121</sup> Gomme ge Seetša se phadimile, bona Bafarisei ba rile, "Oo, seo, ke kwele selo sela pele. Ke Beletsebubu. Yoo ke mmolelelamahlatse." Ka gona selo sohle se ile boso.

<sup>122</sup> Gomme mosadi yo monnyane yo, yo moso godimo *mo*, le yo mošweu fase *mo*. O rile, "Ke a tseba ge Mesia a etla. Ke Mo lebeletše. Ge A etla, O tla dira seo. O swanetše go ba moprofeta wa Gagwe."

O rile, "Aowa, Ke nna Yena."

<sup>123</sup> O rile, "Etlang, bonang Monna yo a mpoditšego dilo tše ke di dirilego. A leo ga se Lentšu le le hlathago dikgopolo tše di lego ka pelong? A yoo ga se yena Mesia?" O swanetše go ba ka United States, a rera bosegong bjo, bontši bjo ke lego kgahlanong le yona. Yena, o swanetše go be a le fa a dira se sengwe boka seo, a bontšha ba bangwe ba baisa ba se e lego Mesia.

<sup>124</sup> Hlokamelang, gatee ka gare, ba butše mahlo a bona. Ka gona, ka Lengwalo, O ipontšitše Yenamong. Bjale O butše mahlo a bona.

<sup>125</sup> Ka gona ge a boletše seo, O tlide ka gare. Yena, mo... Go be go tlide eng ka gare? Kutollo; Peu ye yeo e bego e le tlase *fa*, ge Seetša sela sa Morwa se e gotetša!

O ka tšeа peu gomme wa e boloka ka tlase ga leswika.

<sup>126</sup> Ke bone, e sego telele go fetile, moo ba bilego le dipeu tše mosonepolomo ba ka be ba bile le sephuthelwana lebaka la e ka ba mengwaga ye dikete tše nne, ka Egepeta. Ba tšere peu yela, gomme ye nngwe ya korong yela e bego e le ka sešegong, yeo

Josefa a e beilego ka fale, mengwaga yela yohle. Gomme ge e beilwe ka mobung, gomme letšatši la e ratha, e phetše. Tlhako yela ya bophelo e dutše fale.

<sup>127</sup> Oo, ngwanešu, ge re beilwe ke Modimo, pele ga motheo wa lefase, go ba barwa le barwedi ba Modimo! Ge Seetša sela se e ratha, ga go kerekeleina, ga go mellwane ya kereke, ga go tshwaswalatšo, ga go selo se yago go e thibela. E ya go phela, gobane Modimo o rile e tla dira.

<sup>128</sup> Ba e lemogile. Mahlo a gagwe a bulega, gomme o e tsebile. O e tsebile, gatee ka gare. O tsebile Lengwalo, ke ka baka leo a Mo tsebilego.

<sup>129</sup> Barutiwa ba ka morago ga tsogo ya Gagwe, ba be ba sa tsebe Lengwalo, gomme ke ka baka leo ba bego ba sa Mo tsebe.

<sup>130</sup> Gomme yeo ke tsela ye Bafarasei ba bego ba sa e tsebe. O rile, "Puruputšang Mangwalo. Le nagana le na le Bophelo bjo Bosafelego, Ke... Ke wona a le botšago Ke nna Mang."

<sup>131</sup> Oo, bohlatse bja Sephedi sa Gagwe! Ka gona ge tshepišo e hlatseditšwe, mahlo a bona a bulega, gomme ba Mo tsebile.

<sup>132</sup> Gape, selo sela sa go swana seo se butšego mahlo, se tswaletše mahlo, le ona. Bao ba dirilego metlae ka Sona, se ba bea Gosafelego morago mo ba bego ba le mathomong, le a bona, se tswaletše mahlo a bona.

<sup>133</sup> Mahlo a Petro a butšwe ke selo sa go swana. O be a se nyaka. Mahlo a Nathaniele. Jesu o rile O ba tsebile pele ga motheo wa lefase, gore ba be ba swanetše go ba batseta ba.

<sup>134</sup> Bjale ka sefahlegong sa sohle se, ka go lebaka le re phelago ka go lona, se dirile eng go mahlo a lena? Bjale yeo ke potšišo, e sego se e se dirilego go a bona. O ka lehlakoreng lefe, bosegong bjo? Bjale le swanetše go amana le Bafarisei, goba go amana le baapostola, goba badumedi. Bjale se go diretše se sengwe. O no ba—o no ba godimo kgahlanong le Sona. Se dirile se sengwe. Ge o ka be o phela ka letšatšing lela, o ka be o dirile eng? Seemo sa gago sa bjale se go tsebagatšago eng—eng? Se go dira kae? Nagana ka yona.

"Gabotse, kereke ya ka..." Seo ke se Bafarisei ba se boletšego. Le a bona?

<sup>135</sup> A le loketše go lemoga Jesu Kriste, ka Maatla a tsogo ya Gagwe? A le ikemišeditše go tlogela se sengwe le se sengwe le go sepela le Yena? A le komana go Mo dumela, go iša Seetša sa Gagwe le Bophelo go ba bangwe? Go dirile eng? Bjalo ka ge A—bjalo ka ge A utolotšwe mo matšatšing a mafelelo, O e tshepišitše.

<sup>136</sup> Bjale o re, "Ngwanešu Branham, Mesia o utolotšwe nako yeo. Ke a tseba Lengwalo le boletše bjalo."

<sup>137</sup> Gabotse, Mesia yola wa go swana o tshepišitše go ikutolla Yenamong lehono. Selo sa go swana! Bjale, Bahebere 13:8, bjale

theetšang, e Mo tsebagatša go ba “wa go swana maabane, lehono, le go ya go ile.” Johane 14:8 . . . O boletše gore, “Yo a dumelago ka go Nna, le a bona, mediro ye Ke e dirago o tla e dira le yena.” Johane 14, senyane- . . . mo re a hwetša, O rile, “Lebakana le lennyane, gomme tshepedišo ya lefase, *kosmose*, e ka se Ntsebe gape. Ba tla foufala ka go felela. Ba ka se Mpone gape. Ka gona lebakana le lennyane gomme ba ka se Mpone, efela mahlo a lena a tla bulwa, gobane le tla Mpona; ka gore Ke tla ba le lena, le ka go lena, go fihla bofelong bja lefase.” “Wa go swana maabane, lehono, le go ya go ile.”

<sup>138</sup> Luka 17:28 e boletše. Jesu o boletše gore, “Ka matšatšing a mafelelo, go dikela ga lefase go tla no swana le ge go bile ge Bantle ba senywa ka Sodoma le Gomora.” E sego ka go nako ya Noage, bjalo ka lefula (O fa maitshwarohlephia letšatši leo), eupša O rile, “Bjalo ka ge go bile ka matšatšing a Sodoma.” Bjale leo e be e le lefase la Bantle le le bego le sentšwe ka mollo. Modimo o beile molalatladi lefaufaung, e sego “meetse,” eupša ke mollo nako ye. Bjale lefase la Bantle le loketše tshenyego.

<sup>139</sup> O tshepišitše gore go tla ba phapošo ye kgolo ka nageng. Ge le kile la bona tše dingwe tša diswantšho, ka tsela ye basadi ba aparago ka kua, bolou bjola ka tlase ga mahlo a bona, go lebega o ka re ba be ba bodile. Lebelelang se ba se dirago lehono! Maitshwarohlephia, phapošo, oo, tše dingwe tša dilo tša go tšoša kudukudu, gomme setšhaba se se kgobokane ka go yona. Se etapele lefase lohle ka ditlhalo. Basadi ba rena ba lahlegetšwe ke maemo a bona—a bona—a bona a maitshwaro. Ba robile lerapo la mokokotlo la setšhaba. Gomme tšona tšohle, seripa sa dilo ka Amerika di agilwe godimo, ke thobalano; se sengwe le se sengwe, wisiki ya bona, metšoko ya bona, le se sengwe le se sengwe gape. Gomme dingaka di re, “Ke mpholo. O tla go bolaya.” Ba a e maulathwi go ya pele, go no swana. Ba tla e dira, go le bjalo. Ga ba na le sekwi sa tshebotšo.

<sup>140</sup> Gomme Mangwalo a bolela go bona gore ba se ke ba ripa meriri ya bona, le dilo. Gomme ga ke bolele ka bona basadi ba lefase; woo ke moroko, go le bjalo. Eupša ke bolela ka lena basadi ba Pentecostal. Le tseba bokaone go feta seo. Beibele e boletše gore moriri wa Simisone o mo arogantše; tswalo ya Monasare e mo aroganyeditše go Lentšu la Modimo. Basadi, e tla dira go swana go lena, motho yo a arogantšwego. Gomme Monasare o aroganyeditše go Lentšu, kgole go tloga go dilo tša lefase. Gomme o a e rera, le go e goeletša, le go e goelela, le go tla morago ngwaga wo o latelago gomme go befile kudu go feta ka mo go bego go le ge o be o le kua. Ga se gona se šetšego eupša kahlolo Kgethwa ya Modimo, dipomo tša athomo le dimisaele le dilo, bakeng sa lefase ka moka.

<sup>141</sup> Borametlae mo thelebišeneng, le go bolela, le—le seyalemoya le dilo, ba letša molodi le go opela, le go dira metlae ya ditšhila, le go bolela mantšu a go rogaka le dilo tša go šiiša

tšeob ebole di sego tša dumelwelwa, gomme dikgatišobaka ka moka le dilo di kokotetšwe di tletše ka ba go ponoka, basadi ba go hloka maitshwaro, se sengwe le se sengwe, go leka go thabiša monagano, go leka go le homotša. E nkgopotsa ka mošemane yo monnyane a letša molodi ka leswiswing, a eya go kgabola serapa sa mabitla, go leka go itira yenamong go nagana ga a boife. O tšhogile go iša lehung, gomme o a e tseba. O a tseba o ka gare bakeng sa kahlolo, gomme e a tla gobane o rogakile Moya wo Mokgethwa, gomme o ganne Jesu Kriste yo a tsogilego. Tlwa. Mahlo a bona a tswaletšwe. Ga ba e tseba.

<sup>142</sup> Sodoma le Gomora. Jesu o rile, “Bjalo ka ge go bile ka Sodoma le Gomora.” Bjalo ka ge ke le bušeeditše bošego bja go feta, ga se gwa ke gwa ba nako ka historing ye e beilwego ka mokgwa wo. Lebelelang, Loto . . .

Ka mehla go ne magoro a mararo a batho.

<sup>143</sup> Loto o be a emela kereke, ya mehleng. O ntle ka Sodoma ntle kua, moo basadi ba bileygo le meriri ya bona e ripša, gomme ba be ba na le dilo tše kgolo, gomme o be a le yo mongwe wa balaodi ba toropokgolo, le dilo tše kgolo boka tšeob, gomme, “A nke ke fete.” Eupša, gabotse, tlase ka pelong ya gagwe, go tlaišitše soulo ya gagwe. O tsebile bokaonana; o be a na le Abraham.

<sup>144</sup> Abraham ga se a ke a ya tlase ka go yona, mo mathomong. O be a le mokgethiwa yoo Modimo a filego tshepišo go yena, yoo a bego ba lebeletše morwa yo a tlago, morwa wa tshepišo.

<sup>145</sup> Sodoma e be e sa le ka tabeng ya yona. Gomme, elelwang, bona Barongwa ba babedi ba ile tlase kua go rera.

Yo motee o šetše le Abraham le sehlopha sela.

<sup>146</sup> Bjale, šetšang, ba ile tlase fale go rera. Gomme, elelwang, ge e sa le re bile ka go mabaka a a kereke, ga se gwa ke gwa tsoge gwa ba monna a rometšwe kerekeng, leina la gagwe le felela ka h-a-m, go fihla bjale. G-r-a-h-a-m, motseta wa iri, go kereke ka Babilonia, tlase kua ka Sodoma. Moebangedi yo mogolo o dira mošomo wo mogolo go tšwa go yona, gape. O a ba thuthupiša, le letona le le letshadi. Ga ba iše šedi e ka ba efe go yona. O rile, “Ke tla ba le dikete tše masometharo tša basokologi ka dibeke tše tshela; go ya morago ka go dibeke tše dingwe tše tshela, ga ke ne masometharo.”

<sup>147</sup> Bothata ke eng? Ga ba ye felo. Ba sepelela godimo ba sohla moti wa go sohla, ba kgoga disekerete, le se sengwe le se sengwe gape, go dira boipolelo, goba se ba se bitšago “sephetho.” Seo se lokile, a nke moebangedi a e rwale ka tsela ye Modimo a boleLAGO.

<sup>148</sup> Go nna, ga se sephetho. Ke tswalo! O swanetše go tswalwa. O na le se sengwe se swanetše go direga.

Ke rena ba, go le bjalo, fao, h-a-m.

<sup>149</sup> Hlokamelang, godimo mo godimo ga thaba, go bile yo Motee a šetšego le Abraham, eupša hlokamelang mohuta wa leswao le

A le laeditšego. Gomme yoo e be e le Ab-... Modimo o laeditše Abraham leswao ka morago ga leswao, eupša lela e bile la mafelelo pele morwa wa tshepišo a etla; la mafelelo. Monna, O be a lebega bjalo ka motho. O be a no ba Monna wa mehleng, a apere; lerole diaparong tša Gagwe, o rile O be a le leetong, Abraham o hlatswitše maoto a Gagwe.

<sup>150</sup> Gomme ka gona ge A dutše kua, ka magetla a Gagwe a šotologetše tente, bjale šetšang, O rile, "Abraham." Letšatši goba a mabedi pele, o be a le Abram, gomme o be a le Sara, S-a-r-a. Bjale ke S-a-r-a-h, "mohumagatšana." Yena ga se Abram. Abraham, "tatago ditšhaba." O ile a swanelo go fetola leina la gagwe. Hlokomelang, O rile, "Abraham, o kae mosadimogatša wa gago, Sarah?"

<sup>151</sup> Bjale elelwang, o be a le lekgolo, gomme mosadi a le masomesenyane. O rile, "O ka tenteng, ka morago ga Gago."

<sup>152</sup> O rile, "Ke ya go go etela go ya ka tshepišo." Le a bona? Gomme ao ke matšatši a masomepedi seswai, le Sarah.

<sup>153</sup> Gomme Sarah a sega, bjalo ka ge go bile, godimo ga letsogo la hempe ya gagwe, o rile, "Nna, mokgekolo, ka ba le mantzikinyane le morena wa ka; yena a tšofetše, le yena?"

<sup>154</sup> O rile, "Gobaneng Sarah a belaetše seo, a bolela ka pelong ya gagwe, 'Dilo tše di ka ba bjang?'"

Gomme o e latotše.

Eupša O rile, "Ee, o e boletše."

Jesu o rile, "Feela bjalo ka ge go bile..."

<sup>155</sup> Bjale šetšang. Abraham o lemogile seo bjang? Bjale, Abraham o Mmiditše, "Elohim." Ke ba bakae ba tsebago seo ke therešo, babadi ba Beibele? Ee, mohlomphegi. Elohim ke Yena Molekanelagohle, Mohlodi yo mogolo Yenamong. Gobaneng a Mmiditše Elohim? Gobane O kgonne go hlatha dikgopololo tše di bego di le ka pelong. Leo ke Lentšu. Bahebere 4, e rile—e rile, "Lentšu la Modimo le bogajana go feta tšoša ya magalemabedi, le phuleletša go aroganya lerapo le moko, le go hlatha dikgopololo le maikaelelo a pelo."

<sup>156</sup> Ke ka fao, baprofeta, Jesu o ba biditše, "badimo." Ke ka mokgwa wo Jesu a inetefaditšego ka Boyena, gomme mosadi yoo o tsebile gore O be a le Lentšu, O kgonne go hlatha megopololo. Gomme Jesu o rile, "Bjalo ka ge go bile ka matšatšing a Sodoma, go tla ba bjalo ka go tleng ga Morwa wa motho, ge Morwa wa motho a utollwa."

<sup>157</sup> E dirile eng go mahlo a gago? A A ka kgona go tsena ka gare, bosegong bjo? Ke a holofela A ka kgona. E nong go elelwa, a re nong go ba le tlhomphokgolo le go dumela ka pelo ya rena yohle.

<sup>158</sup> O tshepišitše, elelwang, Maleaki 4, go tla tla pele Molaetša wo o tla "go bušetša tu-tu Tumelo ya botate gape, go tliša

bana morago go botate." Oo, diphorofesa tša Pentecostal, a nke Modimo a bule mahlo a lena a foufetšego ka letšatšing le, kgole go tloga go diphapano tša lena tša dikerekemaina, le dithutotumelo tša lena le dilo tše le nago le tšona tša boikholanoši le go lwa, gomme la lebelela go Morwa wa Modimo ge A le mo. Mengwaga ye dikete tše pedi, O sa phela le magareng ga rena bošegong bjo, a hlatsela tshepišo ya Gagwe.

<sup>159</sup> A nke Modimo, bošegong bjo, ge A re tliša mmogo go swana le ge A ba dirile ka Emause, a tswalele mabati le go utolla se sengwe go rena. Elelwang, lebaka le ba tsebilego gore e be e le Yena, O e dirile feela boka A e dirile pele A bapolwa; gomme morago O timeletše go tloga pele ga bona, go ya kgole go tloga go bona. O e dirile ka tsela yeo. A nke A tle bošegong bjo, magareng ga rena, le go bula mahlo a rena, ka go ikutolla Yenamong go rena, ka dilo tša go swana tše A di dirilego ge A be a le mo lefaseng, gobane O tshepišitše. O a swana maabane, lehono, le go ya go ile. A nke Morena a re thuše go Mmona ge A bonagala go rena.

A re inamišeng dihlogo tša rena. [Ga go selo go theipi—Mor.]

<sup>160</sup> Na maikemišetšo a ka ke eng? Na lebaka la ka ke eng go ya go morero wa ka? Morena Modimo, nka se kgone go re ee goba aowa. Ke Wena yo a gapeletšago Se. O e tshepišitše, gomme ke a rapela gore O tla dira batho go bona le go kwešiša, bošegong bjo. A nke bona, nako ye nngwe, Morena, ba bule tšona dipelo, go bulega ka bopepetla, ba re, "Tsena, Morena, bjale utolla Bowena go nna." Gomme a nke mahlo a bona a bulege nako yeo, go e lemoga.

<sup>161</sup> A nke go se be modiradibe yo a šetšego ka moagong bošegong bjo, mosedumele. Oo, go ka no ba bao fa ba tla bago... ba ka—ba ka no go mpefelela go ba bitša modiradibe. Eupša, Tate, Modimo, O biditše Baifarasei, bao ba bego ba le badumedi le badumedi ba go kgwahla, "bodiabolo" o rile, "ke lena ba tataweno, diabolo, gomme le dira mediro ya gagwe," ka gore ga se ba ke ba lemoga Lentšu le le hlatsetšwego, Mesia. Ba ka kgona go Mo dumela, ka moyo; eupša ge e le ka nameng, aowa. Gomme, efela, Lengwalo la bona le boletše gore O tla ba "Modimo le rena."

<sup>162</sup> Tate, ke a rapela, bošegong bjo, gore O tla fa gape. A go na le yo itšego fa yoo a hlokago mahlo a bona a bulegile? Ba fe setlotšamahlo seo O se tshepišitše ka go Kutollo 3, ka go Lebaka la Laodikia; go reka setlolo, gore mahlo a bona a ke a bulwe bošegong bjo, gore ba ke ba lemoge iri ye re phelago ka go yona, le bohlatse bja tshepišo ya Modimo mo iring ye. Re e kgopela ka Leina la Jesu. Amene.

<sup>163</sup> Ke dikarata tša thapelo dife? K. Re tla... Re thomile go tloga go tee, bošegong bja go feta, a ga se ra? [Yo mongwe o re, "Ee, mohlomphegi."—Mor.] Eupša ga re na le nako ye ntši kudu, metsotso ye lesometlhano goba masomepedi bjale. A re thomeng... Gomme o fa karata ya thapelo K. Bjale le swara dikarata tša lena, re ya go fihla go ye nngwe le ye nngwe ya tšona.

<sup>164</sup> Se, se sengwe bjale, morago ga go bolela . . . Go be go fela go eba seo, e ka ba mang a boletšego, ba dirile polelo. Le elelwa seo, ke tla no sepelela thwi ka gare le go thoma mothalo wa thapelo. E be e le bonolo kudu. Eupša, lehono, ke—ke—ke swanetše go dira se sengwe gape. Le a bona? Gomme ke—ke swanetše go tliša Se, seo ke phetho. Ge se amogetšwe . . . nka—nka no bjala Peu. Nka—nka se kgone go E dira e phele. E swanetše go wela ka go mohuta wa maleba wa mobu.

<sup>165</sup> Le a tseba, Peu ya Gagwe Mong, ba rile O e bjetše. Ye nngwe e wetše thoko ga tsela, ga se ya holana le gatee. Tše dingwe di wetše ka meetlweng, eupša, le godimo ga lekgwara. Eupša tše dingwe di ile godimo ka mmung wo mobotse. Yoo e be e le Morwa wa Modimo.

Ke kgona go no bjala Dipeu, ka tsela ye e swanago. Le a bona?

<sup>166</sup> A nke A tsee go hloka tsebo ga ka, a go bee ka thoko; le go tsea pelo ya ka, gore ke a Mo dumela, le go lebelela fase le go bona ge eba ke a Mo rata, goba aowa; gomme gona a ntshwarele go dibe tša ka tšohle, le go ntšhomisa ka tsela e ka ba efe yeo A—A ka hwetšago letago go tšwa go nna. Bophelo goba lehu, ga go tshwenye, go no Mo tagafatša.

<sup>167</sup> Bjale ke kgopela yo mongwe le yo mongwe, Leineng la Morena Jesu, hle dulang feela metsotso e se mekae. Le se sepele go dikologa. Se se ya go ba ka mehla ka mokgwa wo. A o ka kgona—a o ka kgona go eleletša tetelo ya go bonagala ga Jesu Kriste?

<sup>168</sup> Bjale ge ke sepeletše ntle fa, bjalo ka monna, ke rile, “Ke nna Morena Jesu,” ke bile le moriri wo motelele; ga re tsebe ge eba O dirile goba aowa. “Ke na le mabadi a sepekere ka diatleng tša ka,” uh-huh, moikaketši e ka ba mang a ka kgona go dira seo. “Ke na le oli le madi, le se sengwe le se sengwe . . .” Seo, go le bjalo, seo ga se na . . . Lengwalo ga se le tshepiše seo.

<sup>169</sup> O tla tseba Jesu bjang? Ga o . . . O re, “Gabotse, ke tla Mo tseba ka seswantšho sa Gagwe.” Aowa, seo ke saekolotši tsoko e pentilego seo. Ga re tsebe se A bogegilego boka sona. Le a bona? Ga ke tsebe se A bego a le sona. Seo ke, le a bona, go swanetše go ba ka tsela yeo.

<sup>170</sup> Rebeka o be a sa tsebe se Isaka a bogegilego boka sona, eupša e be e le lerato, golebjalo. Le a bona? O be a sa tsebe se a bego a lebega boka sona; o be a no swanelo go ya. Dikai! O mmone le go mo rata. O be a rata go sepela, go le bjalo, ga go kgathale se a bogegilego boka sona.

<sup>171</sup> Eupša ke tla Mo tseba bjang? Jesu o rile, “Ka dikenya wa tša bona ba a tsebja.” Bjale ge Jesu a ka be a le fa, A ka be a se ka sebopego sa nama boka nna, gobane mmele wola o dutše ka seatleng se setona sa Bogoši, eupša Bophelo bja Gagwe bo fa.

<sup>172</sup> Gomme, elelwang, ye ke tshepišo ya mafelelo, leswao la mafelelo le kereke e le hwetšago, pele ga leswao la tshepišo—Morwa wa tshepišo a bowa. Lengwalo leo le ka se kgone go robja, le a tseba. Ka pela ka morago ga Sodoma, morwa yo a tshepišitšwego o ile a fihla, gomme Sodoma ya tšhungwa. Go tla bjalo gape!

<sup>173</sup> A re bitšeng go tloga go karata ya thapelo, re bolele ka... Re ya eng, tee go fihla go lesometlhano, bošegong bja go feta? A re tšeeng tše dingwe tše lesometlhano, masomeseswai tlhano go fihla go lekgolo. Karata ya thapelo K. A e be e le yona, K? K, masomeseswai tlhano, ke mang a nago le yona? Phagamišetša seatla sa gago godimo. Ee, e felotsoko? Masomeseswai tlhano, etla godimo *mo*. Masomeseswai tshela, masomeseswai šupa, masomeseswai seswai, masomeseswai senyane, masomesenyane, ka go K. Masomesenyane, masomesenyane tlhano, lekgolo, lokologanang fase mo, ge ke bolela le batheeletši ka moka, nakwana feela.

<sup>174</sup> Ke ba bakae mo ba se nago karata ya thapelo? Gomme ka kgonthé o hlokofetše, gomme o nyaka Modimo go go thuša, phagamišetša diatla tša gago godimo. “Ga—ga ke na le karata ya thapelo, Ngwanešu Branham.” Bjale šetšang. Bjale le se sepelesepele. Šš! E no ba lesang bao ba tšwago, etlang godimo fa, feela motsotso. Ebang tlhomphokgolo ka kgonthé bjale, feela metsotso e se mekae.

<sup>175</sup> Naganang, re ka Bogoneng bja Moahlodi wa Legodimo le lefase. O ka ba tlhomphokgolo bjang ge o ka kgona go Mmona a eme mo? O tla be o le matolong a gago, o goelela, o lla, se sengwe le se sengwe. Eupša O mo. O e tshepišitše, “Moo ba babedi goba ba bararo ba kgobokanego Leineng la Ka...” Seo ga se re gore, ka baka la gore o sa tšwa go bolelwa, “Leina šele.” Seo se ra gore, “...Leineng la Gagwe, ke magareng ga bona.” Hlokomelang.

<sup>176</sup> Bjale a bohole ba fale, bao ke ba biditšego? Aowa. K, masomeseswai tlhano, a yeo ke ye ke e biditšego, goba masomesenyane? [Yo mongwe o re, “Masomeseswai tlhano.”—Mor.] Masomeseswai tlhano, masomeseswai tlhano go fihla go lekgolo, emang godimo *fa*. Ge le sa kgone go tla, bangwe...

<sup>177</sup> Go na le motho godimo ga mpetiana mo, yo mongwe hlodišiša karata ya gagwe. Mohlomongwe monna ga a kgone go sepela. Bonang ge eba—bonang ge eba yeo ke nomoro ya gagwe. Ke a bona o ne karata ya thapelo ka seatleng sa gagwe. Ge yoo e le yena, gobaneng, o ka mo kgoromeletša ka go mothalo wa thapelo. K, masomeseswai tlhano go ya go lekgolo le tee. Ge go na le yo mongwe a sa kgonego go emelela, mohlomongwe yo mongwe sefoa; lebelelang dikarata tša lena seng. Gomme ge le sa dira seo, lebelelang fa go nna, ka moka ga lena.

<sup>178</sup> Bjale, a le dumela gore, "Yena, mathomong, o be a le Lentšu, gomme Lentšu le be le le go Modimo, gomme Lentšu e be e le Modimo; gomme Lentšu la dirwa nama gomme la dula magareng ga rena"? "Wa go swana maabane, lehono, le go ya go ile." A le dumela seo? Ka gona, se Lentšu ka mehla le se dirilego, e be e le mohlathi wa dikgopololo tša pelo. Ke ka baka leo bona batho ba tsebilego gore Jesu o be a le Mesia. A yeo ke nnete? Ke ba bakae ba tsebago seo?

<sup>179</sup> Bjale, go be go le mosadi yo monnyane, nako ye nngwe, gore o dumetše ge a ka kgona go kgwatha kobo ya Gagwe o tla fodišwa. A le elelwang kanegelo? Bjale, elelwang, o nno dumela. O be a le ka sebopego sa nama nako yeo.

<sup>180</sup> Gomme, elelwang, O nno dira seo nako ye nngwe. O boditše mosadi feela se a se dirilego; o bile le bannabagatša ba bantsi kudu. Gomme toropokgolo yohle yela ya Sikara e dumetše go Yena, ka baka la bopaki bja mosadi, gomme yena mmalegogwana.

<sup>181</sup> Gomme bjale ba ka se dumele ge mo—mo modiredi wa bomodimo, a beilwe ke Modimo, ka Ebangedi, a ka kgona go ba botša. Go le bjalo ga ba dire, ba ka se e dumele. Le a bona? Le a bona? E no ba leswiswi, leswiswi! Go botega go bobotse, lefase ka moka, go bonala o ka re le na le kgatelelo godimo ga lona. Feelaa, ga ke tsebe ke e hlahoše bjang, eupša e fa. Bagwera, phafogang! Go thari go feta re nagana.

<sup>182</sup> Bjale le dula fale gomme la Mo lebelela. Bjale Beibele e boletše, ka go Bahebere 4, gore, "Ke Moprista yo Mogolo yo a kgongago go kgwathwa ke dikwi tša mefokolo ya rena." A yeo ke nnete? Bjale ge A le Moprista yo Mogolo yola, gomme o Mo kgwathile, o tla kgwatha boka mosadi yola a kgwathile. Bjale, ga se A ke a kwa kgwatho ya mmele; O rile, "Ke a bona gore Ke fokotše." Bokwala bo tlogile go Yena. Bjale ge A sa le Moprista yo Mogolo, o ka no kgona go goga bokwala go tšwa go Yena, gobane O a swana maabane, lehono, le go ya go ile.

<sup>183</sup> Gona O dira bjang? Boka Modimo a boletše. Mo matšatšing a Sodoma, leswao lela e be e le eng? Modimo, Elohim, ka mothong, yo a jago, a nwago. A le kwešiša seo? Jesu o be a le Modimo ka go motho. Ke ka baka leo A hlathilego dikgopololo tša bona, Modimo ka go motho! E bušeeditšwe gape, e rile e tla bušeletšwa gape ka matšatšing a mafelelo. "Ge A tla utollwa, go tla ba boka go bile matšatšing a Sodoma." Ditasese atiša ka ditasene tša Mangwalo ao a lebeletšwego. Eupša ga wa swanelaa go ba le tlhathollo; Modimo o tla e hlatholla ge e le nnete. O tla netefatša ke nnete. Bjale ebang le tumelo gomme le dumele. Lentšu le tee go tšwa go Yena le swanetše go e rarolla.

<sup>184</sup> Bjale, Tate wa Magodimong, le ke Lentšu la Gago, bokaonekaone bjo ke bo tsebago. Bjale yohle e ka diatleng tša Gago, Tate. Ke ikgafela nnamong go Wena, le batheeletši ba. A

nke go be bošegong bjo, ge re tloga fa, a nke re re, "A dipelo tša rena ga tša swa ka gare ga rena, ge Morena wa rena Jesu, ka sebopego sa Moya wo Mokgethwa, a boletše le rena ge re be re le kua?" E fe, Tate. Ke rapela Leineng la Jesu, bakeng sa letago la Gagwe. Amene.

<sup>185</sup> Bjale ebang le tumelo, dumelang. Ke a dumela Ngwanešu Pearry o ya go šuthiša se go dikologa mo, ka motsotso feela.

<sup>186</sup> Gomme bjale, elelwang, batho ba ga ke ba tsebe. Bona ba . . . Ke tseba badiredi ba mo, ke tseba yo mongwe le yo mongwe wa bona, eupša ga ke bone yo mongwe gape yo ke mo tsebago. Ke a tseba go na le batho tsoko ntle fale bao ke tla ba tsebago. Ge ke sa phoše, ke nagana yo ke Ngwanešu Pat Tyler a dutšego thwi mo; ga ke na le nnete, a dutšego thwi . . .

<sup>187</sup> Ka mothalong wa thapelo, ge ke sa dire, le a tseba ga ke tsebe selo ka lena, phagamišetšang diatla tša lena godimo. Lena ba le lego ka mothalong wo wa thapelo mo, le nago le karata, go tla, emišetšang diatla tša lena godimo. Ee, mohlomphegi. Bjale, ntle kua, le tseba sa go swana.

<sup>188</sup> Bjale Therešo še. Ge A tsogile go tšwa bahung, gona O tshepišitše gore Modimo o tla dirwa go tsebja ka nameng ya motho. Bjale, ga go kgathale O ntlotša gakaakang, le swanetše go tlotšwa ka tumelo go e dumela. Le a bona? Go tšea bobedi bja rena. Wena . . . Mosadi yo a kgwathilego seaparo sa Gagwe, o ile a swanela go dumela. A ka be a fetile. Le a bona? O be a swanetše go e dumela. Le a bona?

<sup>189</sup> Ke Modimo! Bjale ge yo mongwe a nagana, "Mpho ke—ke thipa ye kgolo bogolo. Modimo o go fa mpho, o ka kgona go e tšeа le go e sega, le go dira se . . ." O na le kgopolو ya go fošagala ya mpho. Mpho ke go tseba mokgwa wa go itloša tseleng wenamong, le go dumelela Modimo go dira se A nyakago go se dira. Le a bona, ke go tseba ka fao o itapolološago ka bowena, gore Modimo a kgone go go šomiša ka tsela ye A nyakago. E no itloša tseleng wenamong. Le a bona?

<sup>190</sup> Bjale ga ke tsebe le o tee wa batho ba, ga ke tsebe motho yo mo. Mohumagadi šo o eme mo, o lebega e ka ba boka wa ka yo bohlokwa yo a sa tšogo feta go ya Letagong, kgauswana. A nka se be selo sa go šiša, ge mme wa ka a ka kgona go lebelela go tšwa Letagong bošegong bjo, ke nagana gore ke tla tla mo go fora motho wa go šokiša wa go swana le yoo? Ke maikemišetšo afe ao ke tla bago nao? Ke tla ba segafa. Ke mo go leka go go thuša, mohumagadi.

<sup>191</sup> Gomme selo se nnoši nka kgona go se dira e no ba go dira se ke romilwego go se dira. Nka se kgone go dira batho go dumela. Nka se kgone go dira yo motee a dumele. Feela, ke na le . . .

<sup>192</sup> Ga se nna moithutamodimo. Ebile ga se nna . . . Ga se nna mo- . . . Ga ke ipiše ka bona moreri, le a bona, ka baka la gore ga ke na le thuto. Moreri lehono ke yo mongwe yo a nago le Grata

ya bona ya Bokgabo le grata ya Bongaka. Gobaneng, ga ke tsebe gore tšona dilo ke eng.

<sup>193</sup> Yo mongwe o mpotsišitše letšatši le lengwe, o rile, “Ga o šomiše maina le mašala gabotse.”

<sup>194</sup> Ka re, “Ga ke tsebe gore tšona ke eng. Ga—ga ke tsebe.” Ke be ke sa tsebe gore leina e be e le eng, goba lešala. Nka se kgone go le botša, go phološa bophelo bja ka, phapano gare ga leina le lešala. Nka se kgone go le botša.

<sup>195</sup> Eupša selo se tee ke se tsebago, ke a Mo tseba, Maatla a tsogo ya Gagwe. Seo ke sohle ke tshwenyegago ka sona, le a bona. “Yena,” ke Yena ke nyakago go mo tseba. “Go Mo tseba, ke Bophelo.” Gomme seo ke se ke lego ka morago ga sona, Bophelo, go phela. Seo ke se o lego mo ka sona, Bophelo, go phela.

<sup>196</sup> Bjale, mohumagadi, ge Morena Jesu a ka nkutollela se sengwe seo o se dirilego, se sengwe seo o bego o se wa swanela go be o se dirile, se sengwe seo o lego fa ka sona. Boka A dirile mosadi, o mmuditše se se bego se fošagetše ka yena; mohlomongwe a bolela se e lego phošo ka wena, ge go le, gona o tla tseba ge eba ke therešo goba aowa. O tla ba hlatsé ya seo. A seo se tla go dira... O tla tseba go na le Sengwe, se sengwe se swanetše go tšwa felotsoko. E ka se kgone go ba sa tlhago. E swanetše go ba sa Kagodimogathago. Go lokile. A go tla go dira go dumela gore Lentšu le leo ke le boletšego, e be e tla ba Modimo a hlatholla Lentšu la Gagwe Mong, gona yoo e be e tla ba Modimo a hlatsela?

<sup>197</sup> A batheeletši ba tla dumela go swana? [Phuthego e re, “Amene.”—Mor.] Ebang le tlhomphokgolo bjale. Bjale elelwang, ebang le tlhomphokgolo ka kgonthe.

O re, “O a khutša, Ngwanešu Branham?”

<sup>198</sup> Ee, nnete. Ga ke tsebe mosadi. E swanetše go tšea se sengwe gape, Morongwa wa Morena, Moya wo Mokgethwa Wonamong.

<sup>199</sup> Pilara yela ya Mollo yeo e etilegopele bana go kgabola Israele, Israele go kgabola lešoka. Le a bona, ge A be a le fale, O be a le Jesu. “Moshe o ile a sema kgobogo ya Kriste go ba mahumo a magolwane go feta ale a Egepeta.” O ile a tlogela Egepeta.

<sup>200</sup> Ge Jesu a be a le mo lefaseng, O rile, “Ke tšwa go Modimo, gomme ke ya go Modimo.” O hwile, a bolokwa, a tsoga, a rotogela godimo.

<sup>201</sup> Gomme Saulo, tseleng ya gagwe go theogela Damaseko, o rathetšwe fase ke Seetša sela sa go swana. Gomme Mojuda yola o be a ka se tsoge a bitša seetša tsoko sa bofora, “Morena.” Gomme o rile, “Morena, Wena o mang?” O tsebile yoo e be e le Morena yo a etilegopele batho ba gagwe go kgabola lešoka.

<sup>202</sup> O rile, “Ke nna Jesu.” “Wa go swana maabane, lehono, le go ya go ile.”

<sup>203</sup> Bjale ge Seetša sela sa go swana se le magareng ga rena, le a bona, gona Se itlhatsela Sonamong ka go tšweletša se Se se dirilego kua. Bjale ge A ka dira seo, seo se tla re dira re dumele le go thaba, a se ka se ke? A nke A e fe. Lena le . . .

<sup>204</sup> Ke no le dira gore le bolele se sengwe. Le a bona, ge le . . . Ge o ikiša kgole wenamong, e phagamela godimodimo; gomme feela lentšu e ka ba lefe o le bolelago, e ka ba eng. Le a bona, o motho, o ne moy. Gomme e ka ba eng Moya wola o lego, ka pela ge O tlotša, ke a bona, ke kgona go bona feela se e lego le tsela ye o yago kua, ka . . . Yeo ke mpho ya Modimo. Yeo ke tsela ye A e dirilego, o boletše go mosadi. Selo sa go swana, tlwa selo sa go swana.

<sup>205</sup> Bjale o fa gobane o legatong la yo mongwe gape. O nyaka thapelo bakeng sa yo mongwe gape, le gore yo mongwe gape o ka septele. Ya. Gomme ke bolwetsi bja mafahla. Gomme yoo ke monnamogatša wa gago. Yeo ke nnete. Gomme selo se sengwe ke se bonego, o apešitše ke moriti go iša lehung. Go na le moya wo moso godimo ga gagwe, gobane ga se Mokriste. Yeo ke nnete. A yeo ga se therešo? Le a bona? Yena ga se Mokriste. O apešitše ke moriti go iša lehung. Gomme o ne kgahlego gore a amogela Kriste.

<sup>206</sup> Gomme ke a bona o bile le bothata tsoko, le wena. Goba ba go letile go ba le TB, goba se sengwe gape. Yeo ke yona, o bile le x-ray goba se sengwe. Ba no—ba no ba go dirile x-ray bakeng sa TB. Yeo ke nnete, a ga se yona?

<sup>207</sup> Bjale a o ka ya, go dumela ka pelo ya gago yohle? Bjale feela bjalo ka ge o dumetše, e ka ba eng o dumetšego Le le be le le bjale leo o le tsebago, feela bjalo ka ge o le dumetše; eya go yena, mmotše se se diregilego mo, gomme mohlomongwe moy. wola wo moso o tla tloga; o tla phološwa, gona o tla tsoga le go tla gae. Bjale dumela ka pelo ya gago yohle bjale. Modimo a go segofatše.

<sup>208</sup> O a dumela? Ke gore, o ka kgona go Le ahlola e ka ba eng o nyakago. Go tšwa go wena bjale.

<sup>209</sup> O dira bjang, mohumagadi? Ke a nagana re basetsebane yo motee go yo mongwe, eupša o a dumela gore Modimo a ka nkutollela mathata a gago? [Kgaetšedi o re, “Ee, mohlomphegi.”—Mor.] Gomme ge A ka dira, go tla go dira o dumele gagolo, a go ka se ke? Monna yola o tla godimo go tšwa fa, ke a bona. O dumetše seo metsotso e se mekae ya go feta. Aowa, o mo o emetše yo mongwe gape, le wena, yoo ke monnamogatša wa gago. A o a dumela gore Morena Jesu a ka nkutollela se e lego phošo ka monnamogatša wa gago? A o a e dumela? O na le go tsupuga ga setho. Yeo ke nnete. Gomme go na le ngwana mo yo a nago le tlaišego, ye o e rapedišago, le yena. A o a dumela gore seo se tla direga, le sona? Go lokile. A o dumela ka pelo ya gago yohle bjale? Feela bjalo ka ge o dumetše, a go be bjalo go- . . . Le a bona, nka se kgone go fodiša. Ke kgona feela go bitša, le a bona,

se ke se bonago. Gomme o dumela ka pelo ya gago yohle, go tla ba ka tsela ye o e dumetšego. O a e dumela, gomme Morena a go šegofatše. Modimo a go šegofatše.

<sup>210</sup> E no se belaele. Eba le tumelo. Feela tlhomphokgolo ka kgonthe. Bjale ge—ge o thoma... O se thome go sepela tikologong. Le a bona, le dutše gabotse ka kgonthe. Dulang ka mokgwa woo gomme le theetše, lebaka la metsotso e se mekae.

<sup>211</sup> O dira bjang, mohlomphegi? Ga ke go tsebe, re basetsebane seng sa rena, eupša re swanetše go kopana Pankeng ya Kahlolo ya Kriste le go arabela bakeng sa go bonagala ga rena—ga rena fa bošegong bjo. O dumela seo, a ga o? Ka kgonthe o a dira. Ke—ke no šetša Seetša, mohlomphegi, o a bona, ke tlotšo, Moya wo Mokgethwa.

<sup>212</sup> Bjale, o tlaišega ka mogodu wa gago. Mogodu wa gago o a go tshwenya. Yeo ke nnete. Gomme o na le se sengwe o lekago go se fediša, mokgwa. Gomme seo ka kgonthe ke se se hlolago mogodu wa gago, o tla ya go kankere gabotse ka pela ge o sa go emiše, go kgoga. A o a dumela gore Modimo o tla go tloša go wena le go dira—le go go dira o fole? O tla dira? A o a dumela ge ke beile diatla godimo ga gago bjale... ge Sengwe se seo o tsebago seo se bonala go makatša go wena? Eupša tlotšo yela ya Kriste, ge nka Mo kgopela go tloša selo sela go wena le go go dira o fole, o ka kgona go mmea fase gomme a sepela go tloga. A o dumela seo? [Monna o re, “Ke dumela seo.”—Mor.] Etla mo. Etla mo, mohlomphegi.

<sup>213</sup> Sathane, godimo ga motheo wa tumelo ya rena, Bogona bja Jesu Kriste Yo a go fentšego le ohle mohuta wa gago, ke laela diabolo yo, yo a romelago monna yo lebitleng la pele ga nako, ka tsona disekerete, etšwa go yena, Leineng la Jesu Kriste. Amene.

<sup>214</sup> Eya bjale gomme o e fenye. Dumela, gomme o phele boka o swanetše.

<sup>215</sup> A o a dumela? E no tšwelapele o dumela.

<sup>216</sup> O dira bjang? Mohumagadi yo maatla wa go bogega botho, a o dumela Jesu Kriste go ba Morwa wa Modimo? A o ntumela go ba mohlanka wa Gagwe? Lebaka ke bolelagoso, ge A... A o kile wa bala puku ya ka? E boletše ka kua, “Ge o ka kgona go dira batho gore ba go dumele.” O a bona, seo ke kgwekgwe ya selo, o swanetše go e dumela. O no ba... Ga go tsela ye nngwe go batamela Modimo eupša, ka mpho, eupša go e dumela.

<sup>217</sup> Bjalo ka Maretia a rile, “Ke—ke a dumela gore O Morwa wa Modimo. Ge nkabe O be o le fa, ngwanešu wa ka a ka be a se a hwa.” Le a bona? O e batametše gabotse. Ge, o bile le tokelo go baka go Yena ka go se tle, eupša ga se a e dira. O tlile ka tlhomphokgolo, gomme o hweditše se a se kgopetšego.

<sup>218</sup> Bjale a o dumela gore—gore Modimo o gona gomme o tseba dilo tšohle? Gomme o a dumela gore O kgona go utolla go nna

dilo tše di fošagetšego ka wena? Bothata bo ka mogodung. O ne ditlhakatlhakano, dilo tše dintši tša phošo. Gomme o na le ditlhakatlhakano, seo ke sehloga seo se lego ka mogodung. Yeo ke nnete ka seo. Yeo ke nnete. Go lokile. Mohumagatšana Whitley, o ya morago tlase, dumela ka pelo ya gago yohle, gomme o tla fola. Go lokile. Go a tlab a ke biditše leina la gago? O a go tseba, gape, o a bona.

<sup>219</sup> O dira bjang? Bjale o na le bothata bja sehumagadi, gomme seo se laetša gore se ka go obari, gomme ke sešo ka go obari. A o a dumela gore Jesu Kriste a ka tloša sešo seo? Ke swanetše go go botša se se diregilego go mosadimogatša wa ka feela kgauswana. O a bona, ge... O kwele bopaki? Gabotse, a ya gago e ka se be boka ya gagwe? Go lokile, go tla ba ka tsela yeo ge o ka no e dumela ka pelo ya gago yohle.

<sup>220</sup> Lebelela fa, mohumagadi yo moswa. Bja gago ke bothata bja sehumagadi, gape, go tšwa tseleng ga sesadi. A o a dumela gore Jesu Kriste o gona go go dira o fole le go go fodiša? Gomme o a dumela gona gore yohle e tla be e ile, le go fela ka yona, gomme o tla fola le go ba... go phela bophelo bja go itekanelia? Go lokile. Sepela, e dumele bjale, go tla no ba ka tsela yeo.

<sup>221</sup> A o a dumela gore Modimo a ka kgona go fodiša bolwetši bja swikiri, gape, a go dira o fole? Go lokile, nno tšwelapele o sepela go kgabaganya sefala, o re, "Ke a Mo dumela." Gomme o tla bo fenya ge o ka no e dumela. Tšhelo ya madi ya Khalibari e tla e dira bjalo.

<sup>222</sup> Bjale go na le se sengwe se diregile ka go batheeletši, ga se ke se hwetše feela gabotse.

<sup>223</sup> Mohumagadi a dutšego thwi fa, a ntebeletšego, o tlaišega ka bothata bja mogodu. A o a dumela gore Jesu Kriste o go dira o fole?

<sup>224</sup> Thwi kgauswi le yena ke mohumagadi yo a nago le bothata bja pelo. Thwi morago fale ka... Thwi ka morago, a rwelego kefa ya go bogega boso, ka bothata bja pelo.

<sup>225</sup> O bile le bjona, le wena. O bile le bjona. O a bona, ke rile o bile le bjona. Lena bobedi le lokologile bjale. Jesu Kriste o le dira bobedi le fole. Go lokile, eyang tseleng gona, gomme Modimo a le šegofatše. E ba le—e ba le tumelo, dumela ka pelo ya gago yohle.

<sup>226</sup> Ka mengwaga ya gago, o na le ditlhakatlhakano, dilo tše ntši tša go fošagala. Eupša ye nngwe ya dilo tše kgolo o nyakago go di rapediša, ke pelo ya gago, le yona. A o a dumela O tla go dira o fole go bothata bjola bja pelo, le go go fodiša? Go lokile. Sepela, o e dumela, o re, "Ke a Go leboga, Morena," gomme o tla ba le phodišo ya gago.

<sup>227</sup> Letšhogo le mo tshwentše nako ye telele, le mo fa proseteite, go tsoga bošego, eupša se setee sa dilo tše kgolo o nago natšo, ke bolwetši bjo bja swikiri. A o a dumela gore Modimo a ka kgona

go go fodiša go seo le go go dira o fole? E no tšwelapele o eya pele, o re, “Ke a Go leboga, Morena Jesu. Ke dumela ka pelo ya yohle.”

<sup>228</sup> Modimo a ka kgona go fodiša mohuta ofe kapa ofe wa bolwetši bja madi, go hloka madi, goba eng kapa eng gape. A o dumela seo? Go lokile. E no ya pele, gomme Modimo o tla go dira o fole. E dumele.

<sup>229</sup> Go bjang? Ke go bona o leka go tsoga go tšwa malaong, ka go nokologa ka kgonthe, atheraithisi feela kgauswi le go go hwetsa. Eupša o a dumela gore o ya go go tlogela, bosegong bjo, gomme bjale o ya go fola? E no tšwelapele o sepela go kgabaganya sefala, o re, “Ke a Go leboga, Morena Jesu,” gomme dumela ka pelo ya gago yohle.

<sup>230</sup> A o dumela ka pelo ya gago yohle? A a ye pele. O fodišitše kua, go le bjalo, kafao feela—feelā . . . O swere seo, yenamong, go le bjalo!

<sup>231</sup> Etlā. A o a dumela gore Morena Jesu a ka kgona go fodiša bothata bja mogodu le go go dira o fole, le go go romela gae go ja? Eya pele gomme o e dumele, gomme Jesu Kriste o tla go dira o fole.

<sup>232</sup> Etlā, mohumagadi. A o dumela bothata bja mokokotlo, . . . ? . . . bothata, dilo, di tla go tlogela, ge o eya go kgabaganya ye? Tšwelapele o sepela, o re, “Ke a Go leboga, Morena Jesu.”

<sup>233</sup> Lena bohole le nagana eng? A—a se se dirile e ka ba eng mahlong a lena, bakeng sa letšatši? A le dumela ka dipelo tša lena tšohle? E no lebelelang go ya kua, le batho!

<sup>234</sup> Bjale lena ka go batheeletši, le a dumela, le bona se Jesu Kriste Morwa wa Modimo, ge A sa le Morwa wa Modimo.

<sup>235</sup> Ya, batho bale ba eya, ba dutše, gomme bohole ba thabile; ba lebelelana seng sa bona, ba hlaletše, ba botšana seng ka ga dilo tše kgolo tše Morena a di dirilego.

<sup>236</sup> Mohumagadi yo monnyane a dutšego fa, a sotlega ka bothata bja mokokotlo. O dutše thwi mo, ka moriri wa go lebelelega bopududu; aowa, mohumagadi ka morago ga gago. O kgwathile Selo se sengwe, a ga se wa ke? O a tseba e be e se nna. E be e le Yena, Moprista yo Mogolo. A o dumela ka pelo ya gago yohle, gore mokokotlo wa gago o ka se sa go tshwenya gape?

<sup>237</sup> A o ka rata go bea tšona disekerete fase, le go re, “Nka se tsoge ka di topela godimo gape, mohlomphegi,” mohumagadi a dutšego kgauswi le yena? O e lekile nako ye telele, eupša o ka se kgone go ba le tumelo godimo ga yona, ka mokgwa wo mongwe. A o a dumela bjale o na le tumelo godimo ga yona? Emiša diatla tša gago ge o re, “Ke a e dumela bjale.” Go lokile, o se sa kgoga gape. Eya gae gomme o fole. Dira bjalo ka ge o swanetše go dira.

“Ge o ka kgona go dumela!”

<sup>238</sup> Mohumagadi yo monnyane a dutšego fa a aperego jase ye khubedu, a ntebeletšego, a sotlega ka atheraithisi. A o a dumela gore Modimo a ka kgona go go dira o fole, mohumagadi? O a dira? Go lokile. O ka ba le ya gago. Go lokile.

<sup>239</sup> A seo se go thakgaditše, kgaetšedi a dutšego godimo fale? Mohumagadi o ne ditlhakatlhakano. O ya go e foša. Modimo, nthuše. Mdi. Cox, a o a dumela? Go lokile. Ga se a . . . O naganne o tla phomelela ka seo, eupša ga se a e dira. O e hweditše, go le bjalo.

A re reng, “Tumišang Morena,” bagwera. A ga le tsebe . . .

<sup>240</sup> Mohlomphegi, o na le kankere, jaundice ye serolwana. O ka se kgone go phela, o robetše fao. Yeo ke nnete. Ga ke, nka se kgone go go fodiša. Eupša o ka se kgone go uta phošo ke eng ka wena. O a bona, e gona. Wena, o ka se phele o dutše fale, o tseba seo, gobane o—o ile. Ba re e ka mogodung wa gago, gomme ke yona. E ka go sebete, se se hlolago jaundice go tsupologa. Eupša a o dumela ka pelo ya gago yohle, le go ba komana bjale, boka banna bale ba robetšego kgorong tlase kua ka Samaria, ba re, “Gobaneng re dutše fa go fihla re ehwa?” O ya go hwa, o robetše fao. O na le feela sebaka se tee, gomme seo ke go Mo amogela ge o sa le ka Bogoneng bja Gagwe, le go e dumela ka pelo ya gago yohle. A o tla dira seo? Gona, Leineng la Jesu Kriste, e dumele ka pelo ya gago yohle, gomme o emelete, tšeа mpetiana wa gago gomme o ye gae, o leboga le go tumiša Modimo.

<sup>241</sup> A le dumela seo? Oo, Modimo o tla mo fa maatla, le se tshwenyege ka seo. Ge a . . . Šole yena, o ya go tšeа mpetiana wa gagwe, a o phutha le go ya gae.

<sup>242</sup> Ka moka ga lena le a dumela? Emelelang ka maoto a lena bjale. Go reng ka wena o emeleta? Ga ke kgathale se e lego phošo ka wena, phagamela godimo. Emišang diatla tša lena gomme le Mo fe tumišo.

<sup>243</sup> Morena Jesu, ba ka diatleng tša Gago, Leineng la Jesu Kriste!



64-0312 Ge Mahlo A Bona A Bulegile, Ba Mo Tsebile  
Municipal Auditorium  
Beaumont, Texas U.S.A.

NORTH SOTHO

©2024 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)